

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY
NOV 1 6 1941

T9299/8125(28)

學海君道部世系類

金封篇

宗室諸王章

外戚王侯章

列國譜系門五十七

元封篇一

宗室諸王章

列國譜系門五十八

元封篇二

功臣王公章一

列國譜系門五十九

元封篇三

功臣王公章二

恩澤王侯章

外戚王公章

功臣王侯章
恩澤王公章

學海君道部卷之七十五

世系類

列國譜系

五十六

金封篇

金史百官志曰封爵正從一品曰郡王曰國公正從二品曰郡公

正從三品曰郡侯正從四品曰郡伯

舊曰縣伯承安二年改郡

正五品曰縣子

從五品曰縣男凡食邑封王者萬戶實封一千戶郡王五千戶實

封五百戶公三千戶實封三百戶郡公二千戶實封二百戶郡侯

一千戶實封一百戶郡伯七百戶縣子五百戶縣男二百戶皆無

實封自天眷定制凡食邑同散官入銜

凡封王大國號二千次國三十小國三十封王郡號十

哈佛大學漢和
圖書館珍藏印

明昌二年以漢遼唐宋梁秦殷楚之類皆昔有天下者之號不宜封臣下遂皆改定

大國號二十曰恒舊為遼邵舊為梁汴舊為宋鎬舊為秦并舊為漢益舊為漢彭

舊為齊趙舊為殷越舊為楚譙舊為魯冀舊為唐豫舊為唐絳舊為唐兖舊為吳鄂舊為吳夔舊為蜀宛舊為齊

曹舊為陳次國三十曰涇舊為隋鄭舊為衛衛舊為韓潞舊為幽岐舊為代澤舊為徐滕舊為薛紀舊為原昇舊為原

邢舊為翼豐舊為鄧鄆舊為鄆霍舊為蔡瀛舊為金格葛沂舊為荆榮舊為英壽舊為溫小國三十曰濮舊為遂

舊為齊道舊為日定舊為景景舊為後改申舊為崇宿舊為昔莒舊為鄆郕舊為舒淄舊為邠邠舊為萊萊舊為宗郕舊為郕杞舊為杞向舊為向

管舊為日密舊為胙任舊為戴鞏舊為蔣蔣舊為士民須知蕭舊為莘芮舊為芮封王之郡號十曰金

源廣平平原南陽常山太原平陽東平安公延安

宗室諸王章

金史曰舊制皇兄弟皇子為親王給二品俸宗室封一字王者給

三品俸皇統元年制詔左丞勗平章政事辨職俸外別給一

王俸廉此異數也

金源王石土門耶懶路完顏部人世為其部長父直務海始祖弟保

活里四世孫雖同宗屬不通問久矣景祖時直務海使人來請復

通宗系其後世祖至耶懶與石土門交好世祖襲位石土門招諭諸

部來附後以本部兵從擊正隆二年封金原郡王高麗及伐遼功尤

多及黃龍府叛又與睿宗討平之正隆二年世宗以石土門世嫡皇

孫將加王爵詔擇國號蕭國公襄曰為天下大計必先正其本原者

本也請封源從之乃封為金源郡王

金源王完顏忠本名迪古乃石土門之弟太祖器重之天輔中從

太祖伐遼有功伐石土門為耶懶路都亭厯熙宗時歷加太子太

師同平章事卒大定二年追封

壽國公完顏賽不始祖弟保活里之後初補親衛軍章宗時選充護衛哀宗時歷拜右丞相樞密使兼副元帥封

申王完顏匡本名撒速始祖九世孫事幽王允成爲其府教讀大定中顯宗選爲章宗侍讀章宗嗣位累遷樞密副使爲副元帥以拒宋功進平章事封定國公衛紹王立以定策功進今封太安元年卒

右始祖宗族王二人弟公一人孫王一人

金源忠毅王習不失昭祖子烏骨出之次子世祖襲節度肅宗與拒桓被散達魯幹敗之習不失之功加多至穆宗太祖之世皆爲詳穩收國七年爲阿買勃極烈太祖每伐遼輒命與太宗居守天轉二年卒正隆二年追封曹國公大定三年進今封

漢國公昂本名奔睹昭祖次子跋黑之孫斜幹之子幼時侍太祖從太祖平燕策功賜甲第一區天會中伐宋有功天眷元年授鎮國上將軍天德初累遷尚書左丞相封瀋國公進太保判大宗正事封楚國公累進封莒衛齊海陵南伐爲左領軍大都督海陵死而世宗立于遼陽昂使人殺海陵子入見世宗改今封拜都元帥三年卒

幽國公宗賢不失之孫本名賽里從都統果取中原襲遼有功歷授世襲謀克轉都點檢歷拜太師左丞相兼都元帥封

營國公崇浩字師孟昭祖四世孫明昌二年封

南陽武昭王襄本名唵昭祖五世孫也祖什吾廼從太祖平遼以功授上京世襲猛安歷東京留守父阿魯帶皇統初北伐有功拜參知

政事襄年十八襲世爵大定初以平契丹叛賊功授亳州防禦使又
伐宋有功二十三年拜平章事封蕭國公進拜右丞相徙封戴章宗
卽位改封任後封常山郡王又以郊祀禮成進今封

右昭祖子王一人孫王一人公三人

韓國公劾者景祖長子世祖之兄子也景祖愛世祖材勇故傳位世
祖又越劾孫而傳蕭宗穆宗皆景祖志也天會十五年追封王正隆
二年例降今封

金源忠毅王撒改劾者長子穆宗初襲位念劾者長兄不得立遂
命撒改爲國相太祖嗣位行國相如故太祖稱帝伐遼皆撒改贊
成也天輔元年加國論勃魯勃極烈五年卒天會十五年追封燕
國王正隆二年降封陳國公大定三年改今封

秦桓忠王宗翰本名粘沒喝散改長子年十七軍中服其勇太祖
時以伐遼功爲都統太宗時以平宋功爲國論右勃極烈兼都元
帥熙宗嗣位拜太保尚書令封晉國王天會十四年卒追封周宋
國王正隆二年例降金源郡王大定中改今封

鉅鹿王宗憲撒改子天德初累官中京留守封河南郡王又改今
封正隆例奪王爵再遷武定軍節度使世宗嗣位召爲太子太師
俄拜平章政事進右丞相大定六年卒

金源王幹魯劾者次子初從幹賽伐幹豁拔其城收國三年統軍
伐高永昌滅之爲南路都統迭勃極烈又伐遼伐夏伐宋行西南
西北兩路都統事天會五年卒皇統五年追封

沂國公劾孫景祖次子天會十五年追封王正隆二年例降今封

豫國公昱本名蒲家奴劾孫子天輔五年爲都統伐遼有功天會
間爲司空封王天眷二年卒正隆二年例降今封

代國公劾保孫景祖子天會十五年追封王正隆二年例降今封
虞國公麻頗景祖子天會十五年追封王正隆二年例降今封

隋國剛憲公阿離合蕙景祖八子健捷善戰屢從征伐有功收國元
年爲國論乙室勃極烈天輔五年卒天會十五年追封隋國王天德
中改今封大定間追謚

廣平王晏本名幹論阿離合蕙次子皇統元年累遷東京留守天
德初封葛王進封宋王授世襲猛安王海陵時累封豫王許王又
改越王元貞時進封齊王正隆例削王爵世宗嗣位拜左丞相更
進今封大定二年進拜太尉復致仕卒

代國公宗尹本名阿里漢阿離合蕙孫太祖時以宗室子克護衛
改牌印祇侯授世襲謀克爲右衛將軍大定八年累遷樞密副使
尋拜平章政事封二十八年卒

金源武襄王銀木可宗尹子初以伐遼伐宋功天會十年累遷燕
京留守十三年致仕加同平章事中書令封蜀王天眷三年卒正
隆二年例降今封

鄭國公謾都訶景祖子屢從征伐天會二年爲阿捨勃極烈參議國
政明年卒十五年追封王正隆二年例降今封

譚國公阿離補系出景祖皇統三年以功封

右景祖子公六人孫王六人公二人

金源莊襄王杲本名撒離喝安帝六世孫泰州婆盧火之族胡魯補

山之子雄偉有才略太祖愛之常在軍中世祖時伐宋有功封應國公爲河中尹左副元帥後爲海陵所害大定三年追進今封

右安帝孫王一人

魏定肅王幹帶世祖子年二十餘佐太祖拔留可城旋遇疾早卒天會十五年追封

遼智烈王杲本名斜也世祖第五子太祖母弟收國元年爲吳勃極烈天輔中伐遼定燕京太宗嗣位爲諳班勃極烈與宗幹俱治國政天會十四年拜我宋獲宋二主以歸八年卒皇統二年追封遼越國王正隆時例降今封

衛王宗義斜也子本名亭吉天德間爲平章政事海陵忌而殺之大定二年追封

鄭王幹賽世祖子穆宗時撫定蘇濱水民部康宗時與高魯破高麗圍其城高麗請和皇統五年追封

魯王幹者世祖子天會十五年追封正隆例降封公

金源王神土蕙幹者子天會時封

濟國公思敬本名撒改神土蕙子累從征伐皆有功克護衛天眷

二年以捕宗磐宗雋功遷顯武將軍累遷尚書右丞天德時封河

南郡王又徙鉅鹿正隆二年例奪王爵大定二年改今封歷拜平

章事樞密使九年卒

魯莊襄王闍母世祖十一子太祖爲副統伐遼太宗時爲都統伐宋

俱有功天會六年卒追封吳國王正隆時改譚王大定二年徙今封

漢王烏古乃世祖子封時未詳

鄆王昂本名吾都補世祖幻子常從太祖征伐天眷三年歷遷平章政事皇統二年封灤水郡王二年詔昂署御帶皇叔祖字進今封是歲卒

廣平忠肅王承暉昂之孫本名福興父鄭家舉官益都尹塔割謀克大定十五年選克符寶祗候宣宗貞佑初歷拜平章政事兼都元帥封鄒國公遷汴進拜右丞相徙封定國公三年守中都盡節死追進今封

右世祖子王七人孫王三人公一人

溫國公粹酷欵封時未詳

宗國公蒲魯虎封時未詳

右肅宗子公二人

金源郡王勗本名烏野字勉道穆宗第五子屢從征伐有功天會十五年歷官尚書左丞加同平章事皇統八年封魯國王九年進拜太師進封漢國王海陵篡立加恩大臣以收人望進封秦漢國王尋稱疾致仕進封周宋國王正隆時例降今封卒

廣平王宗秀勗子與平宗磐宗雋之亂授定遠大將軍以世襲猛安授之從伐宋有功天德初歷翰林承旨封霍國公進今封正隆二年卒

魯國王昌本名撻懶穆宗子天會十五年爲左副元帥封後與冀王鶻懶謀反熙宗誅之

齊國公蒲察穆宗子封時未詳

崇國公蒲里迭穆宗子封時未詳

右穆宗子王三人

楚威敏王宗雄本名謀良虎康宗長子太祖時屢從征伐以功授世襲千戶謀克天輔六年卒天眷中追封齊國公天德二年加秦漢國土正隆二年改金源郡王大定二年追進今封

金源王按答海宗雄次子天眷二年封金源郡王進封諱王襲父猛安除太宗正丞以猛安讓兄子改侍衛指揮使別授世襲猛安海陵時進封鄆王改魏王正隆時例奪王爵世宗時封蘭陵郡王進今封致仕大定十四年卒

宗國公隈可康宗子天德時封廣平郡王正隆時例奪王爵大定元年改今封

右康宗子王二人孫王一人

遼王宗幹太祖庶長子屢從太祖征伐有功太宗初為國論勃極烈輔政熙宗嗣位拜太傅天眷二年進太師封梁宋國王海陵追稱為帝大定初改今封追削帝號稱為皇伯太師遼王謚忠烈

鄭王文宗幹子本名神土蕙天眷中為汴京留守皇統間封淄國公進封代王九年拜右丞相卒追進今封

王克宗幹子本名梧桐皇統中歷拜樞密使天德四年卒貞元元年追封王爵

衛王襄宗幹子本名永慶海陵母弟天德初追封大定中降應國公樂善襄子本名和尚大定二十二年封後以罪誅

宋桓肅王宗望太祖次子本名幹離不官左副元帥滅遼滅宋皆其功也天眷五年卒天會十三年封魏王皇統三年進許國王又徙封

晉國王天德二年加遼燕國王正隆時例降大定二年改今封

荆王文宗望次子本名胡刺皇統間授世襲謀克海陵篡立貞元元年除秘書監封王正隆例封鄖國公世宗大定初召爲判大宗正事封英王及弟京得罪世宗謂文曰朕待京不薄乃圖不軌不忍刑及骨肉遂從輕典卿亦驕縱無度宋王有社稷功武靈封太祖諸王爲王卿獨不封朕卽位封卿兄弟爲王自今懲咎悔過赤心事朕無患朕不知也除大名尹徙今封以罪奪爵降德州防禦使大定十三年謀反亡命伏誅

壽王京宗望三子本名忽魯以宗室子累遷特進天德二年封曹王除河間尹正隆例封瀋國公世宗初復進今封大定五年謀逆免死除名

梁忠烈王宗弼太祖四子本名兀木天宗時伐宋有功拜右副元帥熙宗天會十五年封瀋王又封越國王更改今封皇統三年累拜太師領三省事都元帥八年卒

韓王亨宗弼子本名孛迭熙宗封芮王爲猛安海陵時爲右衛將軍忌而殺之大定間追封

豐王烏烈太祖子封時未詳

趙王宗傑太祖子本名沒里野天會五年卒謚孝悼天眷元年追封越王大定間進今封

鄧王奭宗傑長子天眷元年以奭爲會寧牧封後爲西京留守皇統三年卒

完王宗雋太祖子本名訛魯觀天會十四年爲東京留守天眷元年

為尚書右丞相封陳王二年進今封以謀反誅

潘王訛魯太祖子封時未詳

幽王訛魯采太祖子封時未詳

衛王宗強太祖子本名何魯天眷元年封紀王三年為燕京留守進

今封加大師皇統二年卒

榮王爽宗強子本名阿鄰天德三年授世襲猛安正隆中歷安武

軍節度使世宗嗣位除秘書監封溫王進封壽王又改英復世襲

猛安進今封加太子太師二十三年卒

曹王宗敏太祖子本名阿魯補天眷元年封邢王進今封

舒王褒宗敏子本名撒合輦天德三年封舒國公尋進今封

密國公阿里罕宗敏子天德三年封王隆六年為海陵所殺

紀王習泥烈

息王寧吉

莒王燕孫

鄴王餘忽

以上俱太祖子封時未詳

胙王元太祖子宗峻子也太宗殂元兄合刺立是為熙宗元本名

常勝為北京留守封海陵忌而構之熙宗遂殺之

右太祖子王十四人孫王十人公二人

宋王宗盤太宗子本名蒲魯虎天會十年為國論忽魯勃極烈熙宗

嗣位為尚書令封未幾拜太師天眷二年海陵誣以謀反殺之

幽王宗固本名胡魯官右丞相初封幽王大定二年追改今封

虎虞王宗英本名阿魯補

滕王宗偉本名斛沙虎

曹王宗雅

初封代

鄭王宗懿

初封薛

潞王宗本

官左丞相初封涼王海陵誣以謀反殺之

翼王鶻懶

衛王宗美本名亭吉初封豐為海陵所殺

幽王神土門初封

潘王斛亭束初封

鄂王幹烈初封

韓王宗哲初封

隨王宗順

右太宗子王十四人俱天眷元年封二年降封世宗大定二年復

改今封

魏王道濟熙宗第二子皇統二年命為中京留守封魏王初居外至是養之宮中未幾熙宗怒殺之

右熙宗子王一人

崇王元壽海陵子天德元年封三年卒

宿王矧思阿補海陵子封時未詳正隆元年生小底東勝家保養之

封其母唐括氏為柔妃三年卒

滕王廣陽海陵子母南氏本大臭家婢隨元妃大氏入宮海陵通焉

正隆二年生廣陽二年七月封九月卒

右海陵子王二人

齊王吾里補睿宗子大定時封

右睿宗子王一人

鎬厲王永中世宗子本名實魯刺史大定元年封許王七年進封越

十一年進封趙十三年拜樞密使明昌元年封漢王二年進封并三

年進今封五年坐謀反罪賜死追降庶人泰和七年復王爵賜謚

趙王孰輦世宗子本名胡上瓦大定元年封楚王後改今封

越王斜魯世宗子早卒封時未詳

越王永功世宗子本名宋葛又名廣孫沉默寡言咲勇徒過人涉書

史好法書名盡大定四年封鄭王七年進封隋十一年進封曹十七年授活活土世襲猛安累遷判大宗正事明昌元年進封冀王二年進封魯承安元年進封郢大安元年進封譙判中山府事二年進今封興定五年卒

蕭國公璐本名福孫永功子大定二十六年賜名加奉國上將軍章宗嗣位封泰和五年卒

密國公壽本名壽孫大定二十六年賜名加奉國上將軍與加開府儀同貞祐中封昨國公正大初進今封

豫忠獻王永成世宗子本名鶴野又名婁室大定七年封瀋王十一年追封幽十五年就外第判秘書監十七年授世襲山東路把魯古猛安累遷御史大夫章宗嗣位進封吳王明昌十一年進封亮歷判

平陽府事承安改元以覃恩進今封泰和四年卒

夔王永升世宗子本名斜不出一名鶴壽大定十一年封徐王未幾進封虞二十七年判吏部尚書章宗嗣位加恩宗室進封隋王二年改封曹久之改封宛衛紹王嗣位改今封貞祐元年卒

鄭刺王永蹈世宗子本名銀木可又名石狗兒大定十一年封滕王未幾進封徐累遷判彰德軍節度使明昌元年進封衛二年進今封四年以謀反賜自盡泰和七年復爵賜謚

鞏國公按春永蹈子

封年未詳

後與永蹈同謀棄市

潞王永德世宗子本名訛出大定二十五年與章宗及諸兄俱加開府儀同二十七年封薛王除秘盡監二十九年進封瀋明昌二年進封幽承安二年進今封歷遷判大睦親府事

溫國公吾觀補不知誰子世宗孫大定十九年封

右世宗子王七人孫王公四人

鄆莊惠王琮顯宗子本名承慶大定十九年封道國公章宗嗣位歷遷開府儀同進今封明昌元年授遼遼路世襲猛安五年卒

瀛文敬王瓚顯宗子本名歡曙大定二十二年封崇國公章宗初歷遷開府儀同進今封明昌三年卒

霍王瓚顯宗子本名阿隣又名從彛大定二十二年封宿國公二十六年賜名瓚章宗嗣位封沂王明昌元年諭旨有司曰豐鄆瀛沂四王府各賜奴牌七百人四年詔封故魯王永功爲趙王以從彛爲後紹封承安元年爲兵部尚書改封蔡泰和五年賜名瓚八年改今封貞祐二年卒

瀛孰懿王琦顯宗子本名吾里補又名從憲明昌元年封壽王承安元年以郊祀恩進封英四年改今封泰和五年改賜今名六年授秘書監八年卒

溫王价顯宗子本名謀良虎大定二十九年章宗嗣位加開府儀同封明昌三年卒

右顯宗子王四人

絳王洪裕章宗子三歲卒明昌三年賜名追封

荆王洪靖本名阿虎懶二歲卒承安四年賜名追封

榮王洪熙本名幹魯未滿月卒承安四年賜名追封

英王洪衍本名撒改未周歲卒承安四年賜名追封

壽王洪輝本名訛論彌月封壽王旋卒

葛王忒鄰章宗久無嗣祈禱于郊廟而生喜甚彌月將加封三等國號無愜意者念世宗在位最久年最高初封葛王遂以封焉一歲而卒

右宣宗子王六人

荆王守純宣宗第二子本名盤都貞祐元年封濮王大安二年爲前都點檢三年爲樞密使四年拜平章事興定元年授世襲東平府路三屯猛安三年進封英王哀宗正大元年更進今封天興元年虜于蒙古死青城

曹王訛可守純長子始封肅國公天興元年進今封出質蒙古軍前

戴王某史失其名守純次子封年同前

鞏王守德守純三子封年同前

霍王守仁宣宗第三子

右宣宗子王二人孫王三人

功臣王侯章

吳國公蕭玉奚人初爲尚書省令史出入右丞相宗本家親信如家人海陵篡位與秘書監蕭裕謀殺太宗諸子遂使玉誣告宗本等謀反殺之海陵喜其超遷禮部尚書爲參知政事拜平章政事進拜右丞相封陳國公正隆三年轉左丞相進今封世宗初放歸田里久之起爲太原尹卒

蕭王耶律秉德本名乙辛初爲西南招討使改汴京留守皇統八年歷拜平章政事熙宗末年悼后干政屢殺宗室蕃辱大臣秉德懷忿

乃與唐括辨等密謀廢立海陵聞之遂與乘德謀弒熙宗海陵墓立
以乘德為左丞相兼侍中左副元帥累進今封久之為烏帶所譖出
領行臺尚書省事海陵使人獲之

唐括辨本名幹骨刺父重國為彰德節度使辨尚熙宗女為駙馬
都尉累官尚書左丞與乘德等弒熙宗立海陵拜尚書左丞相兼

中書令封王史不詳何國郡尋為海陵所忌與蕭裕謀誣以謀反殺之

許國王烏帶左丞相阿魯補子也熙宗時累官大理卿乘德等同謀
廢立烏帶即詣海陵啟之遂與俱弒熙宗海陵墓立以烏帶為平章
政事封尋誣乘德殺之即以乘德世襲猛安謀克授烏帶進左丞相
坐罪出為崇義軍節度使其妻舊與海陵通海陵使殺之

從軍阿里出虎會寧葛馬合窟用人徒鑿州父拔謀太祖時有戰功

領謀克歷官興中尹皇統九年阿里出虎為護衛十人長與海陵

弒熙宗為右副點檢天德二年累遷太原尹封王尋以謀逆語伏誅

燕國恭烈公左企弓八世祖皓後唐棣州刺史以行軍司馬戍燕遼

取燕使守薊因家焉企弓讀書中進士累遷中書侍郎平章事天慶

末遼主奔亡耶律涅里自立于燕以企弓為司徒封燕國公太祖入

燕企弓奉表降授中書令封如舊為張覺所殺年七十三賜謚恭烈

正隆二年改封濟海陵弒逆其降封諸王只從原封

戴國公左泌企弓長子仕遼官至棣州刺史太祖平燕泌從企弓

歸朝擢西上閣門使從宋王宗望南伐破真定有功累遷陝西路

轉運使封致仕卒

秦國文正公虞仲文武州寧遠人幼能屬文刻苦學問第進士累仕

州縣遷翰林侍講學士耶律涅里自立于燕以仲文同平章事與左
企弓歸降太祖授樞密使封卒正隆二年改封濮

燕國文莊公曹勇義廣寧人第進士累遷宣政殿士學士耶律涅里
自立于燕以爲樞密使封燕國公後降太祖仍舊官封卒正隆二年
改封定

陳國忠肅公康公弼其先應州人曾祖胤遼保寧間以戰功授誓券
家于燕之宛平公弼好學登進士累遷乾州節度使耶律涅里自立
于燕以公弼爲叅知政事後與左企弓等降太祖授簽中書省封卒
正隆二年改封遵

鄭國公時立愛涿州新城人父承謙以財雄鄉里立愛以遼太康九
年中進士第累遷御史中丞遼興軍節度使兼漢軍都統太祖已定
燕京下平州乃以平州爲南京用張覺爲留守立愛遂去平州而張
覺叛入于宋及宗望再取燕山立愛詣幕府上謁拜同平章事從宗
望軍數年謀畫居多封陳國公久之加中書令天會十五年致仕進
今封卒

任國公李師夔字賢佐永興人少倜儻有大志以廕人入仕爲本州
翹監天輔六年遼太祖襲遼衆以請師夔主郡事師夔以奉聖州降
後屢破張勝焦望天尹智穆諸賊累遷陝西東路轉運使致仕封卒

右太祖時封

鄆國英敏公劉彥宗大興宛平人遠祖怱唐末盧龍節度使自石晉
時以幽薊入遼劉氏六世仕遼相繼爲宰相父霄至中京劉守彥宗
擢進士乙科天祚走天德雅里自立于燕擢彥宗留守判官後與左

企弓等歸降太祖拜左僕射太宗嗣位加同平章事知樞密院事從宗翰等伐宋有功天會六年卒追封鄆王正隆二年例降大定十五年追進今封此係世宗所改從之

曹王劉苦彥宗次子幼時以廕隸閣門不就遼末賜進士第授員外郎太祖取燕苦從其父降遷尚書右司郎郎中凡館見禮儀皆苦詳定仍從事元帥府凡約束廢置及四方號令多從苦畫天眷二年歷左宣徽使熙宗幸燕法駕儀仗苦討論者為多皇統九年拜平章政事封吳國公天德元年封滕王二年拜尚書右丞相進今封

濮國簡懿王韓企先燕京人九世祖知古仕遼為中書令徙居柳城世貴顯乾統間企先中進士第廻翔不振都統臬定中京擢樞密副都承旨天會七年歷遷尚書左僕射兼侍中封楚國公十二年進尚書右丞相皇統元年封濮王六年卒正隆例降封齊國公

右太宗時封

莘國莊義王婁室字幹里衍完顏部人年二十一代父白答為七水諸部長從太祖滅遼破宋累遷都統天會八年卒皇統元年追進今封正隆時例降封金源郡王

隋國貞濟公活汝婁室子與父同佐太祖累破宋有功天眷三年歷京兆尹封廣平郡王正隆時例降封代國公進封隋國公

榮國公謀衍婁室子勇力過人善用長矛突戰天眷間克牌印祇侯擢符寶郎累遷元帥右都監世宗為東京留守首以臣禮上謁世宗嗣位拜右副元帥累征伐有功歷東京留守封大定十一年

卒

豫國貞憲王完顏希尹本名谷神權都子太祖舉兵常在行陣累從征伐比有功天眷二年爲左丞相兼侍中俄封陳王與宗幹共誅宗盤宗雋三年以譖賜死皇統三年贈刑國公天德三年追進今封正隆時例降金源郡王大定十五年追謚

鄆國公韓昉燕京人仕遼累世通顯昉少孤天慶二年中進士第一補右拾遺累遷知制誥充高麗國信使金初仍舊職天會中歷拜參知政事皇統六年致仕除汴京留守封天德初卒

右熙宗時封

原國公張仲孚字信甫其先自安定徙居張義父達仕宋至太師封慶國公中孚以父任補承節郎累遷知鎮戎軍天會九年睿宗兵次涇州中孚乃降睿宗以爲鎮洮節度使臣于劉豫豫廢復歸朱金取河南又歸金身若趨市惟利所在貞元元年遷尚書左丞封南陽郡王三年以疾告老乃爲濟南尹封宿王又進封崇王卒改封鄧王正隆時例降今封

榮國公赤蓋暉字仲明其先附于遼居張皇堡故皆以張爲姓後家萊州暉雄偉有志略少遊鄉校遼季以破賊功授禮賓副使領萊州屯兵天輔六年降屢從閣母等伐宋有功歷諸軍節度使天德二年授世襲猛安拜尚書右丞封河內郡王歲餘拜平章事進今封正隆初降封景國公未幾封濟國公尋改今封

梁國公大臭本名撻不野其先遼陽人世仕遼有顯者大臭以選入兵爲我軍所獲太祖問其家世因收養之收國三年爲東京奚民謀

克從伐遼伐宋屢有戰功天眷中授世襲千戶皇統中爲副元帥天德二年拜尚書左丞相封神麓郡王元貞三年拜太傅領三省事累封漢國王卒改封晉正隆時奪王爵贈太傅降今封

濟國公李成字伯友雄州歸信人能挽弓三百斤聚衆爲盜爲宋兵所被遂歸劉豫廢歸金以功爲河南尹都管押本路兵馬正隆間爲真定尹封郡王例降今封卒年六十九

廣平公孔彥舟字巨濟相州林慮人少無賴亡命爲盜宋靖康初應募累官沿江招捉使避罪走之齊從劉麟伐宋爲行營總管又從宗弼取河南克鄭州有功累官兵部尚書漁色親女有禽獸行初封廣平郡王正隆例降今封五年除南京留守卒

韓國公斜郊阿里父渾坦穆宗時內附數有戰功阿里年十七從父與石適歡擊高麗一日之間三破重敵尤習舟楫江淮用兵無後不從時人以水星目之爲送里部節度使歷順義泰寧軍歸德濟南尹天德初致仕加特進封王正隆時例降今封

應國公突合速宗室子孛罕塞人亦宗室子也初隸萬戶石家奴麾下常領偏師破雲中諸山寇盜後佐宗翰伐宋有功天眷三年爲元帥左監軍天德間封定國公授世襲千戶正隆二年贈改今封

幽國公烏延蒲盧渾曷賴路烏古敵昏山人父孛古刺龍虎衛上將軍蒲盧與兄鶻沙虎俱以勇健隸闡母軍居帳下攻黃龍府力戰有功又從睿宗力戰破宋兵授鎮國上將軍皇統六年授世襲謀克致仕海陵遷中都起爲歸德尹封從海陵南伐進太子太保大定二

年進階開府儀同三司

芮國公夾谷吾里補暗士渾渾人徙天德父兀屯討烏春窩謀罕有功吾里補隸婁室帳下屢有戰功累官亭特本族部族節度使以老致仕封大定二十六年卒年百有五歲

定國公王伯龍潘州雙城人遼末聚黨爲盜天輔二年率衆來歸授世襲猛安屢破敵有功皇統中歷諸軍節度使天德三年改益都尹封廣平郡王卒正隆時例降今封

舒國桓莊公高彪渤海人祖安國遼節度使父六哥遼刺史彪始生其用父術者言逐之而彪潛匿親家爲所養及父老當從軍帳然謂所親曰吾兒若在可勝軍矣所親具以實告因代其父行戰於出河店遼兵旣敗獨力戰不休軍帥爲勇士令募生致之以爲榆河州千戶天會中伐宋屢立戰功歷諸軍節度使行臺兵部尚書改京兆尹封郃國公以憂去官正隆中起復爲樞密副使改今封

景國公耶律懷義遼宗室遼主謀奔于夏懷義止之不見聽乃竊取遼主廐爲來降太祖令領謀克從軍屢立戰功天眷初爲中原留守海陵篡位封涿水郡王進封莘王久之進封蕭王正隆時例降今封從海陵南伐卒于雲中年八十二

郃國公耶律塗山系出于遙輦氏在遼世爲顯族塗山仕至金吾衛大將軍遼克宋洛陽平陝主奔天德塗山以所部降宗翰承制授西北路招討使遂從伐宋克洛陽平陝右皆與有功天會七年累遷尚書左僕射致仕卒年九十一正隆時例贈特進封

鄒國公盧彥倫臨漢人性幾巧能迎合悼后意頗見寵用官至禮部尚書加特進封

廣平王耶律恕字忠厚遼宗室善讀書通契冊大小字與耶律高八來歸屢從宗翰伐宋隸前鋒立戰功累官至太子少保正隆元年致仕封卒二年例贈銀青光祿大夫

曹王張通古字樂之易縣人讀書過目不忘中遼天慶二年進士第補樞密令史因遜去屏居興平太祖定燕京割以與宋宋人召通古通古辭謝隱居大寧山宗望復燕京劉彥中以通古薦爲樞密院主奏改兵刑房承旨天會中爲詔諭江南使天德初拜平章政事封譚王改封鄆王以疾求解機務不許拜司徒封瀋王正隆元年致仕進今封卒

南陽文康王張浩字浩然遼陽渤海人本姓高東明王之後曾祖霸仕遼爲張氏天輔中遼東平浩以策干太祖太祖以浩爲承應御前文字天會八年賜進士及第授秘書郎天眷中累遷禮部尚書出爲平陽尹海陵時爲戶部尚書平章政事貞元元年拜尚書右丞相兼侍中封潞王未幾改封蜀王正隆時例降魯國公後遷汴進封秦國公世宗卽位于遼陽浩朝京師入見拜太師尚書令進今封大定三年卒

廣平王耨盃溫敦思忠斯水人太祖伐遼時未有文字思忠以口傳出入日至數千言無誤後從太祖伐宋授謀克天眷初累遷行臺叅知政事進平章政事封郃國公進拜左丞相兼侍中進封沂國公致仕貞元二年復拜太傅領三省事進封齊國王正隆二年例降封異姓惟思宗封廣平郡王賜以玉帶六年卒

溫國公耶律安禮系出遙輦氏幼孤事母以孝聞以行義授左班殿

直天眷中累遷工部侍郎事親盡孝熙宗時拜樞密副使封天德二年拜樞密副使封譚國公遷尚書左丞進封郕國公海陵時以謀伐江南忤旨罷爲南京留守改今封

譚國忠辯公納合椿年本名烏野西京人初以女直字學生選補尚書省令史海陵初授世襲猛安爲翰林學士正隆初拜參知政事二年卒追封

吳國文簡公蔡松年父靖宋宣和末守燕山松年從父來管勾機宜文字後靖以燕山降元帥府辟松年爲令史天會中除真定府判官自此爲真定人嘗從元帥府與俱伐宋累遷左司員外郎海陵在軍中與松年相善及篡位遷戶部尚書天德元年拜參知政事封郕國公正隆三年進拜右丞相封衛國公四年卒追改今封

真定縣男蔡珪松年子中進士第以文學顯大定九年累遷禮部郎中封

任國公烏延蒲離黑速頻路哲特猛安人改屬合懶路祖思列預平烏春窩謀罕之亂及伐遼宋皆有功追授猛安父國也襲猛安蒲離黑從太祖伐遼勇聞軍中天眷三年襲猛安累遷京兆尹海陵伐宋爲都總管改延安平涼尹致仕封大定十九年卒

右海陵時封

金源武定王統石烈志寧上京胡塔安人自五代祖太尉韓赤以來與世國爲甥舅世宗時拜平父撒八海陵時爲泰州路頗阿世襲謀克轉猛安嘗爲問遠軍節度使志寧沉毅有大略皇統間爲護衛海陵以爲宣徽使累遷留守世宗初拜平章政事左副元帥封定國公

大定五年拜右丞相封廣平郡王進今封十二年卒

金源誠敏王徒單合喜上京速蘇海水人父蒲涅世襲猛安合喜魁

偉膂力過人一經聞見終身不忘天會六年以功為謀克大定七年

累遷樞密副使改東京留守九年入為平章政事封定國公十年卒

追進今封

金源王紇石烈良弼本名婁室回怕州人曾祖忽懶祖忒不魯父太

守世襲蒲輦徙宣寧天會中選諸路女直字學生送京師良弼補尚

書省令史世宗時拜平章政事封宗國公居位幾二十年成就太平

之功一時號稱賢相大定十八年卒追進今封

淄國忠烈王徙單克寧本名習顯其先金源郡人徙居比古土之地

後徙置猛安于山東遂占籍萊州父况者官至汾陽節度使克寧善

騎射有勇畧通女直契丹字左丞相希尹克寧母舅也薦為符寶祇

候大定中累遷都統伐宋有功十一年拜平章政事封密國公十九

年拜右丞相徙封譚國公二十一年轉左丞相徙封定國公二十八

年進太尉封延安郡王章宗嗣位徙封東平郡王進拜太傅明昌二

年克寧寢疾即榻前拜太師進今封卒

莘國文憲公石琚字子美定州人父臯補郡吏廉潔自持稱為長者

琚生七歲讀書過目成誦中天眷二年進士第一世宗大定十七年

累拜平章政事封明年拜右丞相二十年致仕二十二年卒

任國公蒲察通本名蒲魯渾中都路胡上受割蠻猛安人熙宗護衛

見通名以筆識之通以父老懇辭許之後以門閥加昭信校尉累遷

殿前都點檢大定十七年拜尚書左丞二十年進平章政事封二十

二年卒

三年致仕明昌三年卒

沂國武莊公僕散忠義本名烏者上京拔盧古河人宣獻皇后元妃之兄也高祖翰魯補曾祖班覩祖胡闌父背魯國初世襲謀克婆速路統軍使致仕忠義年十六領本謀克兵從宗輔伐宋有功承制署爲謀克又以功超寧遠大將軍承其父世襲謀克皇統八年累遷濟南尹世宗自立契丹僭號拜忠義軍平章政事兼右副元帥榮國公將兵討之契丹平拜尚書右丞相改今封大定五年轉左丞相兼都元帥六年卒

右世宗時封

密國公爽谷清臣本名阿不沙胡里改路恒篤人姿狀雄偉善騎射皇統八年襲祖駿達猛安大定元年世宗自立于遼陽清臣率本部軍會之以功遷昭武大將軍明昌二年拜平章政事封芮國公未幾遷崇改封戴六年拜左丞相改今封承安五年降橫海節度使尋致仕泰和二年卒

英國貞獻公夾谷衛本名阿里不山東西路三士猛安益打把謀克人中大定十三年進士第四明昌二年歷拜平章政事承安四年封卒

道國公完顏安國字正臣本名闍母其先占籍上京世有戰功以正祖斜婆授西南路世襲合札謀克安國沉雅有謀畫尤善騎射正隆元年從軍爲謀克有功大定中爲常山簿累遷都統承安二年拜樞密副使泰和三年封四年卒

壽國公張萬公字良弼東阿人幼喜讀書父憂至一室勝曰張萬相

公讀書堂已而萬公生因名焉登正隆二年進士第明昌二年歷拜
叅知政事六年拜平章政事封泰和三年致仕六年起山東安撫使
七年卒

芮國成肅公粘割幹特刺蓋州別里賣猛安奚屈謀克人也貞元初
以習女直字試補戶蒲察通本名蒲魯渾中都路人熙宗選護衛以
父老懇辭部令史累遷右司郎中出爲昌武節度使大定十三年拜
叅知政事二十八年遷上京留守承安二年拜平章政事封在位數
月卒

廣平王徙單鎰上京路人速速保子猛安人父烏輦北京副留守謚
大定九年進士及第自中都路教授遷爲國子助教明昌元年拜叅
知政事改上京留守五年拜平章政事封濟國公泰和四年罷知咸
平府太安元年封濮國公改東京留守三年拜尚書右丞相宣宗嗣
位進左丞相進今封是歲卒

右章宗時封

申國公抹撚蓋忠本名彖多上京都猛安人大定二十八年進士第
累遷西京按察使以保全西京功爲左副元帥兼西京留守貞祐二
年拜尚書右丞封宣宗遷汴進拜平章事尋以棄中都下獄被誅
延安中王僕散端本名七斤中都路火魯虎必刺猛安人事親孝選
克護衛章宗初累遷都點檢泰和三年拜尚書左丞七年拜平章政
事封申國公宣宗嗣位進拜右丞相世襲謀克興定四年卒追進今
封

壽國公高汝礪字巖夫金城人登大定十九年進士貞祐二年累遷

參知政事興定四年拜尚書右丞相監修國史封正大元年卒
英國公胥鼎字為之尚書右丞持國子大定二十八年進士興定九
年歷拜平章政事封莘國公哀宗嗣位正大二年進今封卒

澤王紇石烈執中本名胡沙虎阿疎裔孫也徙東平路猛安大定八
年克皇太子護衛累遷右副點檢歷諸軍節度使崇慶二年拜右副
元帥將兵屯中都城北執中乃與其黨作亂入城自稱監國都元帥
丞相徒單鑑勸執中立宣宗執中然之乃弑衛王迎立宣宗拜太師
尚書習令都元帥封元兵至高橋執中為高琪軍士所殺

芮國公完顏合達名瞻字景山少長兵間習弓馬能得人死力貞祐
初以親衛軍送岐國公主克護衛累遷元帥左監軍授世襲謀克正
大初還平涼行省叅知政事四年徵拜平章政事封哀宗初卒

密國公完顏弼本名達吉不盖州猛安人少克護衛轉十人長從承
相襄成邊功最累遷至山東西路宣撫使貞祐四年以誅叛將張汝
楫功封

右宣宗時封

蕭國公侯摯初名師尹避諱改名擊字莘卿東阿人明昌二年進士
累遷大司農天興元年拜平章政事封

天水侯趙乘臣字周臣滏陽人幼穎悟讀書若夙記登大定二十五
年進士第哀宗時官翰林學士草開興改元詔閭巷間皆能傳誦洛
陽人拜詔畢舉城痛哭其感人如此累官至資善大夫上護軍封

右哀帝時封

外戚王侯章

鄖王石家奴蒲察部人世居案出虎水祖斛魯短世祖外孫石家奴自幼時撫養於太祖家及長太祖以女妻之屢從征伐有功襲謀克天眷間授侍中駙馬都尉再以都統定邊部熙宗賜御書嘉獎之封蘭陵郡王除東京留守以病致仕卒追進今封正隆例奪王爵封魯國公

徐王裴蒲達本名忽撻婆盧木部人天輔中從潘家奴追叛寇力戰有功熙宗娶其女是為悼平皇后天眷元年授世襲猛安二年以皇后父拜太尉封徐國公九年悼后死無何海陵弑宗欲邀眾譽揚熙宗過惡以悼后死非罪于是進爵為王天德三年卒

梁晉國忠王徒單恭本名斜也天眷二年為奉國上將軍以告吳王反事起授龍虎衛上將軍累遷太原尹封譚國公其女為海陵妃

海陵篡位乃進爵為王未幾拜平章政事太師進今封貞元二年卒正隆間改封趙國公進齊國公

道國公唐括德溫本名阿里上京率河人曾祖石古從太祖平臘醅麻產領謀克祖脫亭魯領其父謀克從太祖伐遼有功父撻懶尚康宗女從宋王宗望伐宋有功歷臨海軍節度使德溫善射尚睿宗女天眷三年授宣武將軍累遷都總管世宗嗣位封大定二年以父祖功授按出虎猛安所管世襲謀克四年入為太子太傅卒

葛王蒲察阿虎送初授信武將軍尚海陵姊為駙馬都尉皇統末累遷諸軍節度使封葛王卒海陵親臨葬改封譚王正隆例贈特進楚國公

越國公蒲察昂壽本名和尚上京曷速河人欽懷皇后父也初尚熙

宗女加定遠大將軍駙馬都尉累遷河間尹卒明昌三年以皇后父
贈太尉追封

任國公烏古論元忠本名訛里也其先上京獨拔古人父訛論尚太
祖女元忠幼秀異世宗在潛邸以女妻之大定二年加駙馬都尉十
八年拜平章政事封進尚書右丞相承安二年改知彰德府卒

蕭國公唐括貢本名撻哥太傅阿里之子也尚世宗第四女授駙馬
都尉大定二十八年拜樞密副使章宗嗣位進樞密使封莘國公改
今封表乞致仕起知真定府事泰和二年卒

定國恪愿公徒單公弼本名習烈河北東路筭主海猛安人父府君
奴尚熙宗女加駙馬都尉終武定軍節度使公弼初克奉御大定二
十七年尚世宗女加定遠大將軍駙馬都尉至寧元年歷拜平章政
事封貞祐初進拜右丞相罷知河中府興定五年卒

右外戚封王二人

其一降封公

公七人

恩澤王公章

克王國用安本名咬兒淄州人紅襖賊楊安兒李全餘黨也初降元
爲都元帥行山東路尚書省事天興元年徐州總領封仙作亂逐元
帥徒單益都安用率兵入徐以封仙爲元帥遂據徐宿邳三州北大
將阿木魯遣兵取徐用安懼乃以地歸降特封克王賜姓完顏附屬
籍後復叛歸于宋甲午正月大兵圍沛用安往救之兵敗投水死
滕陽公時青滕陽人初與叔父令俱爲紅襖賊初歸金後率其衆入
于宋宋人置之淮南屯龜山興定四年泗州元帥紇石烈牙吾塔招
降之授銀青光祿大夫封青請邳州不得復爲宋守元光元年敗死

右降附封

僕散師恭本名忽土上京老海達葛人本微賤宗幹周恤之擢置宿衛爲十人長與海陵謀弑熙宗立海陵爲左副點檢改名思恭超拜樞密使封王本史不許何郡貞元三年爲右丞相正隆初拜太尉海陵命之北伐疑其有異謀執而戮之于市并誅其族

廣平王徒單貞本名特思忒里闢刺人也祖抄從太祖伐遼有功授世襲猛安父婆盧火以戰功累官開府儀同三司貞娶遼王宗幹女海陵同母女弟也皇統九年貞與海陵俱弑熙宗海陵旣立以貞爲附馬都尉封王累遷都點檢正隆二年例封潘遷樞密副使以罪降海陵伐宋復爲左監軍海陵死北還世宗以貞女爲太子妃除貞爲咸平尹轉河中初與弑熙宗凡九人海陵自斃乘德辯忽土阿里出虎以疑見殺帶以疑殞李老僧以反誅至是貞與大興國尚在而興國擯棄不用獨貞以世姻籍恩寵雖夫婦降削爵號而世宗慮遠終不以私恩曲庇久之詔誅貞及其妻子宥其諸孫俄而興國亦誅皇統送黨盡矣章宗嗣位追封貞爲太尉梁國公貞祖抄司空魯國公父婆盧火司徒齊國公無何再贈太師進今封

佞幸封

學海君道部卷之七十六

世系類

列國譜系

五十七

元封篇

宗室諸王章

元史曰元宗室附馬通稱諸王歲賜之頒分地之大所以盡夫展親之義者亦優且渥然初制簡外位號無稱惟視印章以為輕重厥後遂有國邑之名而章印之等猶前日也

元制封一字王者金印獸紐兩字王者金印螭紐次有金印駝紐金鍍銀印駝紐金鍍銀印龜紐等級不同如此又同姓又無國邑而稱王者但曰宗王不詳錄

寧海王濶濶出始祖第二子答里真之孫封年未詳亦思蠻拔都魯
阿海俱濶濶出之孫俱襲祖封拔都魯以延祐五年封二王未詳
宣靖王買奴濶濶出曾孫至治二年封泰寧王泰定二年改今封
右始祖之後王二人

淄川王也苦烈祖第二子搠只哈兒之子封年未詳

齊王八不沙搠只哈兒曾孫祖移相哥大王父勢都兒王八不沙
以大德十一年封其後八不少弟黃瓦兒王之子玉龍帖木兒由
保恩王進封恩王由恩王進今封卒子月魯帖木兒嗣

濟南王按只吉反烈祖第三子哈赤溫之子至元二十四年封

隴王忽刺出按只吉反長子哈丹大王之子封年未詳

濟南王勝納哈兒忽刺出子封年未詳

濟南王也里只按只吉反次子察忽刺大王之子至元二十四年
封

吳王木喃子按只吉反二子忽列虎兒王之子天曆三年由濟陽
王徙封

西寧王阿答里迷失木喃之子封年未詳

吳王朶列担按只吉反四子大德十一年封濟王皇慶元年改封

濟陽王溲皮朶列担子初封吳王天曆二年改封

壽土脫里出烈祖第四子鉄木哥幹赤斤之第六子封年未詳

壽王乃蠻台鉄木哥曾孫祖只不干大王鉄木哥之次子也父塔
察兒國王乃蠻台以至大元年封

遼王脫脫乃蠻台之孫孛羅大王之子延祐二年封

西寧王搠魯蠻鉄木哥玄孫塔察國王之孫亭羅反大王之子封
年未詳

宗王別里古台烈祖第五子從太祖平諸部立爲國相又長札魯火
赤別授之印賜以蒙古百姓三千戶及廣寧路恩州二城戶一萬一
千以爲分地又以幹魯難怯魯之地建營以居江南平加賜信州路
及鈐山州二城戶一萬八千卒長子罕秃忽嗣

廣寧王瓜都別里古台次子也速不花之子中統三年始以推戴
功封賜銀印後瓜都弟公瓦吉刺反十二之子徹里帖木兒又續
祖封一子渾按察至順元年襲封

定王薛徹干別里古台玄孫曾祖口溫不花大王祖滅里吉反大
王父潤潤出大王薛徹干以至治三年封子察里台泰定四年襲
封

右烈祖之後王十七人

寧肅王脫脫太祖長子木赤太子之第五子至大元年封

卮言曰按元史傳云國初以親王分封西北其地極遠去京師數
萬里以故其地莫得而詳木赤薨子拔都嗣拔都薨以次傳諸弟
至脫脫凡五傳矣傳中不載何時封王而見之表中傳又云脫脫
薨弟伯忽嗣伯忽薨弟月卽別嗣至元二年遣使來求分地歲賜
以賑給軍站京師元無所領至大元年月卽別薨子札尼別嗣其
位下舊賜平陽晉州永州分地歲賦中統鈔二千四百定自至元
五年己卯歲始給之

表又云至大元年脫脫封寧
肅王與傳不合今並錄之

肅王寬徹脫脫之子天曆二年封

威遠王阿只吉太祖第二子察合台太子之孫合刺旭烈大王之子封年未詳子忽都鉄木兒至治三年襲封

越王秃刺忽都鉄木兒子至元九年封南平王一云威遠王大德十一年從仁宗平內難有功進今封至大二年以怨望誅

豫王阿刺忒納失里秃刺忽子初封西安王天曆初以推戴功進今封

充王買住韓察合台太子曾孫祖合刺烈大王父八刺大王以至大三年封

河間王忽察太祖第六子濶烈堅太子之子至元二年封

定安王脫懽忽察曾孫祖忽魯及大王父八刺大王脫懽以以皇慶二年封卒子朶兒只班嗣

右太祖之後王八人

汾陽王別帖木兒太宗次子濶端太子第五子曲列魯太王之子延祐七年封

荆王也速也不干別帖木兒子封年未詳

靖遠王哈反太宗第三子濶出太子曾孫也祖昔列門太子父孛羅赤大王哈反以至元二十七年封一云合贊

襄陵王阿魯灰哈反弟封年未詳後至大元年又以哈反子也速不干襲封

汝寧王察八兒太宗第五子合失大王之孫海都大王之子延祐元年封卒子完者帖木兒嗣卒子忽刺台泰定元年嗣

隴王火郎撒太宗第六子合丹大王次子也不干大王之孫至大元

年封

陽翟王禿蒲太宗第七子滅里太王曾孫也祖脫忽大王父俺都刺大王禿蒲以至大元年封卒子曲春嗣卒兄子太平泰定二年嗣卒

曲春子帖木兒嗣

凡四世

右太宗之後王八人

南平王禿魯定宗第三子禾忽之子至元九年封

右定宗之後王一人

靖遠王合贊睿宗第三子旭烈兀魯孫封年未詳

廣平王哈兒班答合贊弟天曆二年封

幽王出伯哈兒班答子大德八年封威武西寧王十一年進今封

子喃忽里延祐七年嗣

威定王藥木忽爾睿宗第七子阿里不哥之子大德二年封定遠王

大德九年改今封

魏王孛顏帖木兒阿里不哥孫乃剌忽不花大王子封年未詳

冀王孛羅孛顏帖木兒弟初封鎮遠王延祐四年進今封

定王藥木忽兒孛羅弟初封定遠王至大元年進今封

鎮寧王那海一作那懷阿里不哥孫刺甘失甘大王子至大三年

封

楚王牙忽都睿宗第八子撥綽大王孫撥綽從憲宗征伐有功丁巳

分土諸侯王賜蠡州三千三百戶為其食邑撥綽生薛必烈傑兒大

王薛必烈傑兒生牙忽都年十三世祖命嗣其祖父統軍從征伐有

功至元三十年封鎮遠王大德十一年進今封賜金印子脫烈鐵木

見至大二年襲封鎮遠王牙忽都卒仁宗命脫烈嗣今封延祐二年
被黜天曆元年復故封卒子八都兒嗣

永寧王伯顏木兒睿宗第九子末哥曾孫封年未詳

荆王脫脫木兒睿宗第十子歲都哥大王孫速不反大王子封年未
詳子也速不堅嗣

右睿宗之後王十人

衛王完澤憲宗第三子玉龍答失大王之子大德九年封衛安王至
大三年進今封

郊王徹徹禿宗完澤子泰定三年封武寧王至順二年進今封

河平王昔里吉憲宗第四子封年未詳

并王晃大帖木兒昔里吉之次子延佑四年封嘉王後進今封

嘉王火兒忽晃大帖木兒子封年未詳

右憲宗之後王五人

秦王忙哥剌世祖第三子至元九年封安西王十年進今封別賜金
印其府在長安者爲安西在六盤者爲開成皆聽爲官邸十七年卒
二十四年中書奏秦王次子按檀不花襲秦王印詔阿難答旣爲安
西王其秦王印宜上之然其後猶稱秦王阿難答

雲南王忽哥赤世祖第五子至元五年封出鎮雲南

營王也先帖木兒忽哥赤子至元二十八年封鎮東王大德十一
年進今封

西平王奧魯赤世祖第七子至元中封卒次子八的麻的加嗣

鎮南武靖王鉄木兒不花奧魯赤長子大德元年封卒子搠思班

嗣

雲南王老的罕鉄木兒不花長子至大二年封

豫王阿秃納失里老的罕子天曆元年封

寧王濶濶出世祖第八子至元二十一年封寧遠王大德十一年進封子薛徹秃延祐七年嗣寧遠王皇慶元年進嗣今封弟阿都赤至順元年封西靖王後復進嗣今封

鎮南王脫懽世祖第九子至元二十一年封出鎮揚州二十二年奉旨征安南大德五年卒一云封安定王子老章大德五年嗣卒弟脫不花嗣卒子孛羅不花幼脫不花弟帖木兒不花嗣天曆二年孛羅不花已長帖木兒不花請還其位朝廷以其讓而不居也改封宣讓王賜金印移鎮廬州順帝至元元年撥廬州饒州牧地一百頃賜之

至正十六年汝穎盜起廬州不守乃挈身北歸留京師二十七年進封淮王賜金印二十八年順帝北奔詔帖木兒不花監國俄而城破歿之年八十三凡五世

威順平王寬徹普花脫歡子泰定三年封出鎮武昌至正二十五年徐壽輝之亂普化走陝西卒

義王和尚寬徹普化子侍從順帝左右封至正二十四年爲中書左丞相順帝北奔和尚亦遁去

文濟王蠻子脫懽子封年未詳

宣德王不答失里脫懽子皇慶二年封

右世祖之後王十二人

梁王松山顯宗長子至元二十年以皇曾孫出鎮雲南封子玉禪初

封雲南王泰定元年進嗣父封天曆元年帥師與燕帖木兒戰于柳林兵敗見殺

雲南王帖木兒不花玉禪子泰定元年封

湘寧王迭里哥兒不花順宗第三子至大二年封子八刺迭里至治二年嗣

右顯宗之後王三人

魏王阿不哥順宗長子封年未詳第四子孛羅帖木兒嗣

西晉王阿魯阿不哥子至順元年封

右順宗之後王二人

安王秃魯思不花仁宗第二子延祐二年封七年降封順陽王尋被殺

右仁宗子王一人

晉王八的麻赤見間卜泰定第二子泰定元年封天曆元年殞於上都

右泰定子王一人

學海君道部卷之七十七

世系類 七十

列國譜系 五十

元封篇 二

功臣王公章 一

魯國忠武王木華黎札刺兒氏世居阿難水東父孔温窟哇以戚里

故在太祖麾下從征伐數立功木華黎其第三子也沈毅多智略善

射與博爾木等事太祖以忠勇稱丙寅太祖稱帝以木華黎為左萬

戶伐金滅之丁丑拜太師國王賜黃金印曰子孫傳國世世不絕建

行省于雲中承制行事癸未三月卒子孛魯嗣丙戌夏詔封功臣戶

口為食邑 實有戶 孛魯居其首戊子五月卒至治元年封孔温窟哇

為太師魯國王謚忠宜木華黎為上柱國魯國王謚忠武字魯為太師魯國王謚忠定子塔思年十八嗣爵遂至雲中屢立戰功己亥三月卒子碩篤兒幼弟速渾察嗣碩篤兒既長詔別賜民三十戶為食邑得建國王旗幟其家臣置官屬如列侯故事碩篤兒卒子忽都華嗣卒子忽都帖木兒嗣卒子寶哥嗣卒子道童嗣凡九世

東平忠宣王速渾察字魯次子性嚴厲賞罰明信人莫敢犯初嗣父爵即上京之西河見查禿置營總中都行省蒙古漢軍尋卒延祐三年追改今封

魯郡公乃燕渾察子渾察卒憲宗於諸子命乃燕嗣爵乃燕力辭王爵於兄自願代行軍國之事世祖時卒至正八年追贈今封子碩德世祖即位入宿衛典朝儀後同知通政院事征乃

蠻及使西域屢建殊勳卒謚忠敏追嗣父封

東平武靖王霸突魯字魯三子從世祖征伐為先鋒元帥屢立戰功中統二年卒大德八年追封

東平忠憲王安童霸突魯長子中統初世祖追錄元勳召入長宿衛至元二年秋拜中書右丞相增食邑至四千戶三十年卒大德七年追封子簡王兀都帶世祖時嗣拜宿衛成宗即位拜司徒領太常大德六年卒至大二年追封東平王謚忠簡子拜住

莒忠惠王阿里吉失字魯七子封年未詳子忽爾忽速嗣國王卒追封薊王

魯忠穆王乃蠻台忽速爾之子勢靜有成性明果善斷善射至

順元年累遷知嶺北行樞密院事封宣寧郡王賜金印六年拜
嶺北行省左丞相至正八年卒追進今封

遼陽王朶兒只木華黎六世孫脫脫子也朶兒只生一歲而孤
稍長備宿衛事母至孝喜讀書至治二年授集賢學士年未及
冠一時同寅諸老皆器重之天曆元年朶羅台國王自上都領
兵至古北口與大都兵迎敵事定文宗殺朶羅台二年朶兒只
襲國王位扈蹕上都詔便送至遼陽之國順帝至元四年朶羅
台弟乃蠻台恃太師伯顏勢謂國王位乃其所當襲愬于朝伯
顏妻欲得朶兒只大珠環朶兒只無以應則慨然曰王位我祖
宗所傳不宜從人求買我縱不得爲設爲之亦我宗族人耳於
是乃蠻台以賂故得爲國王而除朶兒只遼陽行省左丞相七

年特遷中書左丞相九年罷相復爲國王之國遼陽十四年詔
脫脫總兵南討中書參議龔伯遂建言宜分遣諸宗王及異姓
王俱出軍吳王朶爾赤厚賂伯遂獲免朶兒只獨曰吾國家世
臣天下有事政效力之秋也吾豈暇與小子輩通賄路哉卽領
兵出淮南聽脫脫節制脫脫遣攻六合拔之旣而詔削脫脫官
罷其兵權朶兒只乃以本部兵守揚州十五年卒於軍二子朶
顏帖木兒翰林學士俺木奇失里襲國王

高唐王阿刺兀思剔吉忽里江古部人系出沙陀鴈門之後遠祖卜
國世爲部長金源氏塹山爲界以限南北剔吉忽里以一軍守其衝
要乃蠻遣使約親同據朔方剔吉忽里執其使以其謀告太祖遂從
太祖平乃蠻從下中原太祖令歸鎮本部爲部衆所殺其妻阿里黑

攜幼子孛婁合與姪鎮國避難遁入雲中太祖既定雲中購求得之乃追封阿刺兀思剔吉忽里爲高唐王以孛婁合尚幼先封鎮國爲北平王鎮國卒北平子聶古台嗣爵卒孛婁合幼從攻西域還封北平王尚阿刺海別公主卒追封高唐王謚武毅後贈太傅駙馬都尉進封趙王長子君不花尚定宗長女次子愛不花尚世祖季女累從征伐有功卒

趙忠憲王闊里台思孛婁合之孫愛不花之子性勇毅習武事尤篤於儒術再尚公主宗王也不干叛率師討平之成宗卽位封高唐王大德元年平定西北二年爲敵所執不屈死之九年追封高唐忠憲王加贈太師駙馬都尉進封趙王子木安幼詔以弟木忽難嗣高唐王至大二年加封趙王卽以讓木安三年木安嗣趙王

尚晉王女卒

涼國武定公札八兒火者賽夷人賽夷西域部之族長也因以爲氏火者其官稱也札八兒雄勇善騎射初謁太祖于軍中一見異之從平汪罕及西域諸部又敗金人破中都太祖北歸留札八兒守之授黃河以北鐵門以南天下都達魯花赤賜養老一百戶并四王府爲居第卒年一百一十八追封謚長子阿里罕從父出入行陣勇而善謀憲宗伐蜀爲兵馬都元帥終湖南宣慰使追嗣父封謚安惠札八兒次子明里察亦追封涼國公謚康懿

營國忠武公塔本伊吾廬人父宋五設託陀託陀者其國王所賜號猶華言國者也塔本初從太祖討諸部屢陀艱復從圍燕征遼下白霄諸城使鎮撫之號行省都元帥癸卯立春日卒追封子阿里乞失

鐵木兒嗣父職爲興平行省都元帥從大軍伐高麗有功丙辰卒追
嗣父封子阿台嗣父職改平灣路達魯花赤至元二十一年累進昭
武大將軍二十五年卒追封永國公

永平忠亮公阿台阿里乞失帖木兒子當襲父職適罷行省爲平
灣路總管府丁巳憲宗命阿台爲其路達魯花赤至元二十一年
累遷昭武大將軍二十五年卒追封子迭里威失成宗時入宿衛
累遷遼陽行省參知政事子鎖咬兒哈的迷失年十二宿衛英宗
藩邸英宗卽位拜監察御史以直諫被殺泰定初追嗣祖封謚貞
愍

順國忠毅公蕭醜奴契丹石抹氏有膂力善騎射識見明敏士金爲
古北口屯戍千戶庚午太祖南征醜奴力屈而降遂從破金兵取諸

州授檀州軍民元帥擢萬戶卒於官追封子青山中統元年襲萬戶
至元十一年從北顏平宋還授湖北提刑按察使追嗣父封謚武定
子哈刺帖木兒少事裕宗於東宮與宿衛仕爲檀州知州追嗣祖父
封謚康惠

蘓國忠愍公蕭拜住乃哈喇帖木兒之子嘗從成宗北征特授檀
檀州知州入爲禮部中延祐三年歷拜中書平章政事英宗卽位
爲右丞相鐵木迭兒所構殺之並籍其家泰定間贈太保追封

濮國公耶律禿花契丹人世居恒州太祖時率衆來歸後侍太祖同
飲班木河水從伐金大破忽察虎軍又從木華黎收山東河北有功
拜太傅封賜虎符銀印統萬戶札刺兒劉黑馬等伐金卒于西河州
子朱奇嗣仍統劉黑馬等七萬戶征四川卒于軍子寶童嗣以疾不

任事朱哥弟買住嗣而以寶童充隨路新軍總管卒子忙古帶世祖時賜金符襲父職為隨路新軍總管從征蜀及雲南有功陞萬戶副都元帥成宗大德九年累遷雲南行中書省左丞都元帥卒于軍至大四年贈平章政事追嗣祖封謚威愍子火你赤襲萬戶

宣寧忠襄王速哥蒙古怯烈氏世傳李唐外族父懷都事太祖嘗從飲班木居河水速哥為人外若質直而內實沈勇有謀雅為太宗所知遣使金還遂謀伐金滅之以速哥為山西大達魯花赤卒贈太師追封謚

雲國康忠公忽蘭速哥第四子其母以后戚故得襲父職以安輯功更賜山西戶三百卒贈太保追封于天德于思頴悟過人世祖聞其賢令嗣父職養母完顏氏以孝聞當時眷顧最號優渥卒贈

太傅追嗣父封謚顯毅子孫世多貴顯云

郡王史不載何郡名忙哥忙兀人其先刺真八都兒有二子次名忙兀兒始

別為忙兀氏畏答兒其六世孫也事太祖為萬戶討王罕中流矢卒及王罕滅以其民百戶隸其子且使世世歲賜不絕太宗思其功復以北方萬戶封忙哥為郡王歲丙申忽都忽大料漢民分城邑以封功臣授忙哥泰安州民萬戶太宗訝其少忽都忽對曰臣今差次惟視舊數多寡忙哥舊纔八百戶帝曰不然長答兒封戶雖少戰功則多其增封為二萬戶與十功臣同為諸侯者封戶皆異其籍兀魯爭曰忙哥舊兵不及臣之半今封顧多於臣帝曰汝忘而先橫鞭馬鬣時耶兀魯遂不敢言忙哥卒孫只里瓦解乞答解曾孫忽都忽兀乃忽里哈赤俱襲封郡王

秦安武穆王博羅歡畏答兒幼子蘸木曷之孫瑣魯火都之子也
年十六爲本部斷事官從世祖征伐數有功至元二十年歷拜御
史大夫成宗卽位以疾歸諸王乃顏叛帝將親征博羅歡諫曰昔
太祖分封東諸侯其地與戶臣皆知之乃顏得其九忙兀兀魯札
刺兒弘吉刺亦其烈思五諸侯得其十一惟徵五諸侯兵自足當
之何至上煩乘輿哉臣疾且愈諸事東征乃命督五諸侯兵與乃
顏戰敗之拜河南行中書省平章政事成宗初近臣奏伐宋時右
軍分屬伯顏阿木左軍分屬博羅歡今伯顏阿木皆受分地而博
羅歡未及惟帝裁之帝曰何久不言豈彼耻自請耶乃益封高郵
五百戶大德元年拜上柱國遷江浙行省居歲餘卒累贈太師進
今封第長子渾都爲山東宣慰使平章政事次子伯都爲江浙行
省平章政事二子楚先帖木兒爲河南行省右丞相子摩摩星吉

嗣郡王爵

與國武毅公穆刺捏兒契丹人幼有大志膂力過人沈毅多謀略遼
亡金授以官不受聞太祖舉兵曰爲國復讐此其時也率衆詣軍門
獻策太祖與語竒之賜名賽因必闍赤以其生于霸州因號爲霸州
元帥乙亥拜兵馬都元帥從木華黎征伐累立戰功遷軍民都達魯
花赤兼提控元帥戊子以疾歸高州卒贈太尉追封子買入見太祖
太祖異之使襲父職爲高州達魯花赤兼征行萬戶庚寅攻高麗克
開州諸城癸巳討叛賊趙祚平之乙未從太祖征高麗取西京加征
東大元帥以疾卒追嗣父封謚顯毅子元臣別名哈刺哈孫年十六
入宿衛世祖異之以爲佞薛必闍赤襲千戶將其父軍從伐宋攻淮

西有功又從伯顏平宋討叛賊只兒瓦台於應昌平之鎮應昌三歲加昭毅大將軍還高州至元二十八年移僉湖廣行樞密院三十年卒追嗣祖父封謚忠靖子迪中湖廣宣慰使都元帥

秦國忠順公劉伯林濟南人好任俠善騎射金末為威寧防守千戶都提控壬申歲太祖圍威寧伯林以城降即授元職從攻西京錄功以本職克西京留守兼兵馬副元帥又從木華黎破燕京下山西時論欲徙聞喜民實天成伯林以北地喪亂人艱于食力爭止之部曲所獲俘虜萬計悉縱之在威寧十餘年務農積穀與民休息鄰境凋瘵而威寧獨為樂土嘗曰吾聞活千人者後必封吾之所活何啻萬餘人子孫必有興者乎辛巳以疾卒年七十二累贈太師追封子黑馬名嶷後以字行驍勇有志略弱冠隨父征伐有戰功壬午襲父職

為萬戶兼都元帥歷太祖太宗定宗憲宗世祖累從征伐皆有大功中統三年命兼成都路經略使卒年六十三累贈太傅追嗣父封謚忠惠子元振襲父職為經略使時議以勲舊之家權太重宜稍裁抑遂降為成都副萬戶十二年卒

魏國忠武公粘合重山金源貴族也國初為質子知金將亾遂委質焉太祖使為宿衛官從平諸國有功後立中書省以重山有積勲授左丞相太宗七年從伐宋詔軍前行中書省事下江淮取天長復入視中書事卒贈太尉追封十年詔其子江淮安撫使南合嗣行軍前中書省事中統三年累遷中書平章政事四季病卒追嗣父封謚宣

昭

衛國忠武公撒吉思華蒙古克烈氏父掣直膺魯華初以其部人

二百從太祖征乃蠻西夏有功命將萬人爲前鋒攻金下植州破東京中流矢卒撒吉思上華嗣將其軍太宗時攻金義宗走之尋沒於陣嗣國王塔思承制以其弟明安答兒領其行營尋有旨以爲蒙古漢軍萬戶從太子南伐卒于均州金亡命大臣忽都虎料民分封功臣撒吉思上華妻楊氏自陳曰吾舅及夫皆死國事而獨爾見遺事聞帝曰彼家再世死難宜賜新衛民三百戶撒吉思上華贈太師謚忠武明安答兒贈太保謚武毅爵皆衛國公武宗又贈掣直膺魯華爲太傅追封衛國公謚武敏

趙國忠烈公董俊真定藁城人少力田長涉書史善騎射金貞祐間應本縣募從軍歲乙亥木華黎帥兵南下俊遂降已卯以勞擢知中山府事尋以破金功授左副元帥駐藁城敗金將武仙於真定壬辰

會諸軍圍汴癸巳力戰歿焉贈上柱國封壽國公謚貞烈加贈太傅改今封

隴西伯董文蔚俊之次子也立志勤苦讀書忘倦及長騎射膂力絕人甲寅授行軍千戶屢有戰功至元五年卒泰定中追封

壽國忠穆公董文用俊第三子學問早成弱冠試詞賦中選世祖在潛藩命文用主文書從攻宋師破之世祖卽位累遷兵部郎中叅議都元帥府事至元末歷翰林學士承旨成宗初拜知制誥兼修國史大德元年請老以疾卒追封

壽國忠貞公董文忠俊第八子歲壬子入侍世祖潛邸癸丑從征南詔已未從敗宋兵世祖卽位置符寶局以文忠爲郎十八年累遷書樞密院事典瑞卿是冬卒追封

河南忠定王速不台蒙古兀良合人其先世獵于幹難河上遇敦必
乃皇帝因相結納至太祖時已五世矣捏里必者生孛忽都衆目爲
折里麻折里麻者漢言有謀略人也三世孫合赤溫生哈班哈班二
子長忽魯渾次速不台俱驍勇善騎射忽魯渾以百戶從太祖與乃
蠻部主戰于長城有功速不台以質子事太祖爲百戶壬申攻金拔
桓州屢從征伐有功太宗時從睿宗滅金又從諸王西征平定諸部
皆其功也定宗卽位旣朝會還家于禿刺河上戊申卒追封子兀良
合台初以功臣子分掌宿衛乙巳領兵從定宗征伐憲宗時從世祖
征西南夷平大理克諸部遂伐宋克潭州圍鄂州會憲宗卒世祖卽
位兀良合台至上都後十二年卒年七十二子阿木沈幾有智略憲
宗時從父征伐屢立戰功世祖卽位留典宿衛中統三年從諸王征
李璫有功拜征南都元帥至元中伐宋累拜平章政事十二年兩淮
悉平入見世祖於大明殿陳宋俘第功行賞實封泰興縣二千戶二
十四年西征卒追嗣父封

冀國忠定公郝和尚技都太原人幼爲蒙古兵所掠在郡王迄忒麾
下長通譯語善騎射太祖遣使宋以辨稱戊子以爲九原府主帥庚
寅帥兵南伐有功授行軍千戶庚子進拜宣德等五路萬戶己酉陞
萬戶府爲河東北路行省得以便宜從事凡四年壬子三月卒贈太
保追封長子天益爲太原路萬戶都總管次仲威襲五路萬戶

西秦王田雄北京人幼孤能樹立以驍勇善騎射知名金末署都統
辛未太祖軍至北京雄率衆出降太祖以隸木華黎麾下從征伐有
功承制授河中帥太宗時從攻西川有功授鎮撫陝西總管招徠叛

人附者日衆乃教民力田京兆大治定宗時入見和林以疾卒

河南武宣王察罕初名益德唐兀烏密氏父曲也怯律爲夏臣其妾方懷察罕不容於嫡母以配掌羊羣者察罕武略過人幼牧羊於野太祖出獵見而異之乃挈以歸命給事內廷及長賜姓蒙古從略雲中征西域以功爲御帳前首千戶又從攻西夏次甘州時父居守城中察罕射書招之衆殺其父遂攻破之進攻夏擒夏主殺之太祖卒從太宗略河南地又從皇子親王伐宋克光州授馬步軍都元帥憲宗卽位兼領尚書省事賜汴梁歸德河南懷孟曹濮太原三千餘戶爲食邑及諸處草地合一萬四千五百餘頃戶二萬餘乙卯卒追封

梁國武毅公木花里察罕長子事憲宗直宿衛從攻伐有功授千

戶世祖至元四年伐宋有功陞萬戶復攻襄樊卒于軍追封

秦國忠憲公立智里威察罕從子祖曲也怯祖太祖時得召見屬

皇子察哈台爲札魯火赤父阿波古事諸王阿魯忽居西域至元十年擇貴族子備宿衛長子亦力撒合甚見親幸累官參知政事改四川行省左丞成宗時率立智里威初爲裕宗東宮典文書至元十八年爲嘉定路達魯花赤累遷湖廣行省左丞至大三年卒追寧夏郡公謚忠憲進今封

瀋陽忠憲侯洪福源其先中國人唐遺才子八人往教高麗洪其一也子孫世貴于三韓名所居曰唐城父大宣以都領鎮麟州福源爲神騎都領因家焉戊寅冬太祖伐高麗大宣迎降遂從軍遇害辛卯秋太宗復伐高麗福源率先附之民併力攻未附者遂高王京高麗請降旣而復叛福源乃率衆來歸處於遼陽瀋陽之間太宗嘉其忠

甲午五月特賜金符為管領歸附高麗軍民長官憲宗即位改授虎符戊午福源遣其子會高麗族子入質以譖見殺後贈今爵

右世祖以前封爵凡王七人公七人侯一人隨父見者王七人公八人伯一人

德清王怯台魯兀台氏其先刺真八都以材武雄諸部生子曰兀魯兀台曰忙兀與札刺兒弘吉刺亦乞烈思等五人當開創之先協贊大業太祖即位命其子孫各因其名為氏號五投下朔方既定舉六十五人為千夫長兀魯兀台之孫曰木赤台其一也木赤台有膽略善騎射怯列王可許之子鮮昆帥眾來侵木赤台擊殺之遂得其地又從太祖平乃蠻諸部俾統兀魯兀台四千人世世無替怯台其子也材武過人自太宗及世祖歷事四朝以勞封德清郡王賜金印丙

申賜德州戶二萬為食邑至元十八年增食邑二萬一千戶肇慶路

連州德州泊屬邑俱隸焉怯台卒子端真技都兒嗣

本傳曰怯台二子曰端真曰哈答從征阿里不可及哈答三子曰

脫歡曰慶重二子皆從征曰亦隣只班脫歡二子曰塔失帖木兒

曰朶來塔失帖木兒一子曰匣刺不花自怯台而下凡九人皆封

郡王云

順昌武敏王阿塔海遜思都人祖塔海技都兒驍勇善戰嘗從太祖同飲黑河水以功為千戶父卜花襲職卒阿塔海魁偉有大度才略過人既襲千戶從大帥征雲南還事世祖于藩邸至元九年伐宋有功拜中書右丞行樞密院事二十二年歷行江西中書省事二十四年從征乃顏還奉朝請居京師二十六年卒贈太師上柱國追封

鎮陽忠武王史天澤燕之永清人曾祖倫少好俠因築室發土得金始饒於財金末中原喪亂乃建家塾招徠豪士士皆爭附之祖成珪倜儻有父風悉散其家財惟存廩粟而已父秉直讀書尚義氣癸酉木華黎統兵南伐秉直率眾歸附木華黎欲用之秉直辭而薦其長子天倪為萬戶秉直還屯霸州授北京行尚書六部事庚寅卒天倪拜都元帥鎮真定為金將武仙所殺天澤秉直季子也身長八尺善騎射膂力絕人初從天倪帥真定天倪被害總領李魯承制命紹兄職為都元帥遂破武仙復真定太宗即位命為真定等五路萬戶從平金伐宋皆有大功世宗中統二年拜中書右丞相至元八年進開府儀同平章軍國重事十二年卒謚忠武後累贈太師進今封江陵武定王阿里海牙畏吾兒人家貧嘗躬耕舍來讀書用薦者得

事世祖于潛邸世祖即位漸見擢用由左右司郎中遷參議中書省事至元十一年大舉伐宋阿里海牙進行省右丞十三年宋平拜平章政事十八年定荆南淮西江西海南廣西地二十三年加湖廣行省左丞相卒贈上柱國封楚國公謚武定至正八年追封

楚國忠惠公貫只哥阿墨海涯子

京兆文靖公小雲石海涯貫只哥子遂以貫為氏母廉氏夜夢神人授以大星使吞之已而有妊及生神彩秀異膂力絕人嘗以爵位讓弟仁宗賢之歷翰林侍讀學士稱疾辭還江南泰定元年卒追封

汝南忠武王張柔易州定興人世力農柔少慷慨尚氣節善騎射以豪俠稱金貞祐間河北盜起柔聚族黨保西山東流寨盜不敢犯中

都經略使苗道潤承制授潤定興令累遷青州防禦使道潤表其才
加昭毅大將軍累破金兵以功加河北都元帥金平賜金虎符升軍
民萬戶又與世祖南征有功中統元年世祖卽位詔柔入衛尋止之
以子弘慶爲質二年請致仕封安肅公命第八子弘略襲職至元三
年加榮祿大夫四年進封蔡國公五年卒年七十九贈太師上柱國
謚武康延佑五年進今封改今謚

蔡國忠毅公張弘略柔第八子有謀略通經史善騎射嘗從柔鎮
杞徙亳乙卯入朝憲宗以其幼賜錦衣令還鎮柔旣致仕授弘畧
金虎符行軍萬戶中統間平李壇有功解兵職宿衛京師十三年
遷淮東宣慰使二十九年拜河南行省參知政事元貞二年卒贈
上柱國追封

淮陽獻武王張弘範柔第九子善馬槊頗能爲歌詩兄弘略上計
壽陽留弘範攝事吏民服其明決中統初授御用局總管三年改
行軍總管從討李壇平之朝廷懲壇之亂議罷大藩子弟之在官
者弘範佞罷至元元年授順天路總管八年以伐宋功累遷亳州
萬戶十六年追宋主於闕廣滅之入朝慰勞甚厚未幾疾卒謚武
略至大四年加贈太師上柱國封齊國公改謚忠武延祐六年進
今封改今謚

蔡國公張珪弘範子少能挽強命中至元十六年從父平廣海
還年十六攝管軍萬戶明年真拜賜其父虎符治所統軍鎮建
康未幾弘範卒世祖召見親撫之累遷江淮行樞密副使至治
二年再爲中書平章政事泰定元年始開經筵令左丞相與珪

領之珪薦吳澄以自代辭位甚力猶封蔡國公知經筵事別刻
蔡國公印以賜二年得旨暫歸三年授翰林學士知制誥兼修
國史餘如故四年卒遺命上蔡國公印卒

常山文正王劉秉忠其先瑞州人世仕遼為官族曾祖仕金為邢州
節度副使因家焉遂為邢人庚子歲木華黎取邢州立都元帥府以
其父潤為都統事定改署州錄事歷鉅鹿內丘兩縣提領所至皆有
惠愛秉忠生而風骨秀異志氣英爽不羈八歲入學日誦數百言年
十三為質子於帥府十七為帥府令史棄去隱武安山中遂從釋氏
遊雲中居南堂寺世祖在潛邸海雲禪師被召過雲中邀與俱行既
入見應對稱旨遂留藩邸後上書數千百言敷陳治道世祖即位創
立條例皆秉忠所出時人稱之為聰書記至元元年拜太保參預中

書省事賜第奉先坊且以少府宮籍監戶給之十一年秋卒十二年
贈太傅封趙國公謚文貞成宗時改謚文正仁宗時進今封

易國武昌公何伯祥易州易縣人幼從軍于金從張柔歸附遂從太
祖破保定平西山諸寨後攻汴梁拔洛陽圍歸德破蔡州論功居多
授易州總管世祖南伐參預軍事多所獻納卒於軍贈太保上柱國
追封

梁國文正公何瑋始襲父職知易州兄行軍千戶卒瑋復襲之鎮
亳州從圍襄樊擊宋將夏貴走之從伯顏平宋進太平路總管至
元三十一年歷拜中書參知政事武宗至大三年累改河南行省
平章政事卒贈太傅追封

趙國文憲公何榮祖其先太原人父英金貞祐間試文法入優等補

吏授守鉅鹿云金亡徙家廣平榮祖狀貌魁偉何氏世業吏榮祖尤所通習遂以吏累遷中書省椽擢御史臺都事始折節讀書累遷山東按察使請老歸廣平卒年七十九贈大司徒柱國追封

雍國貞獻公賀賁其先河東隰州人父種德徙關中遂為京兆鄠人賁有材略善攻戰數從軍有功嘗治室得白金五千兩以獻世祖且言其子可用狀即召入宿衛世祖即位賜賁金符總管京兆諸軍與魯卒贈大司徒追封

奉元忠貞王賀仁傑賁子初入宿衛從世祖南征雲南北征乃顏皆著勞績後與董文忠居中事帝同志協力多所裨益至元十七年累遷中書右丞上都留守兼本路總官在官五十餘年為留守者居半大德九年年七十二請老拜平章政事歸第以子勝襲上

都留守成宗崩仁宗入請內難召赴關未至而卒贈太保上柱國追封雍國公謚忠貞延祐六年加贈太師進今封

涇陽忠宣王賀勝仁傑子嘗從許衡學通經傳大義年十六入宿衛凝重寡言世祖甚器重之至元二十四年從征乃顏還拜集賢學士領太史院事二十八年進參知政事大德九年父仁傑請老以勝代為上都留守至大三年進光祿大夫左丞相行上都留守又加上柱國英宗即位丞相鐵木鐵兒誣勝以罪殺之泰定初詔雪其寃贈太傅上柱國追封秦國公謚惠愍至正三年加贈太師進今封改今謚子惟一官至中書左丞相

魯國武惠公嚴實秦安長清人略知書志氣豪放不治生產喜交結施與落魄里社間屢以事擊獄俠少輩為出死力乃得脫去癸酉秋

金行臺調民爲兵以實爲衆所服命爲白戶以功授長清尉有譖于
行臺者以兵圍之實挈家避青崖宋因以實爲濟南治中庚申金攻
宋彰德克之實知宋未足恃乃挈所部來歸木華黎承制拜行尚書
省事進攻曹濮諸州皆下之遂取東平甲午授東平路行軍萬戶庚
子卒中統二年追封

寧國文忠公高智耀河西人世仕夏國曾祖逸大都督府尹祖良惠
右丞相智耀登本國進士第夏亡隱賀蘭山太宗訪求河西故家子
孫之賢者衆以智耀對召見將用之遽辭歸里世祖在潛邸已聞其
賢及卽位召見又力言儒術拜翰林學士至元五年擢西夏中興等
路提刑按察使出使西北至上京病卒贈司徒柱國追封子霄資稟
直亮父卒年十六授符寶卽出入禁闈恭謹詳雅歷拜南臺御史中

丞務持大體有儒者之風延祐元年卒贈太傅上柱國追嗣父封謚
貞簡

成武顯敏公也速台技都康里氏父艾貌初從雪不臺西從繼從定
宗略地太子南伐皆有功卒于軍也速台征征李壇伐宋累功授管
軍總把從征日本遷欽察親軍都指揮二十四年從征乃顏有功明
年卒追封

邢國文憲公劉肅威州涿水人金興定二年詞賦進士累擢戶部主
事金亡依東平嚴實辟行省左司員外郎世祖居潛邸以肅爲邢州
安撫使中統元年擢真定宣撫使二年授左三部尚書兼商議中書
省事三年致仕給半俸四年卒年七十六贈上柱國大司徒追封
潞國忠肅公鄭鼎澤州陽城人幼孤能自立讀書曉大義不妄言笑

既長勇力過人尤善騎射初爲澤潞千戶甲午從征蜀屢立戰功中
統元年遷平陽太原兩路萬戶三年遷平陽路總管十四年累遷湖
北道宣慰使移鎮鄂州戰沒贈中書右丞謚忠毅後加贈平章政事
追封

澤國忠公鄭制宜鼎子性聰敏莊重有器局通習國語至元十
四年襲父職太原平陽萬分戍萬戶鄂州時鄂闕守俾攝府事從
征日本及乃顏累功授樞密院判官成宗元貞初歷拜大都留守
領少府監大德八年卒贈平章政事追封

魯國文獻公姚樞柳城人後遷洛陽少力學內翰宋九嘉識其有王
佐略楊惟中乃與之偕見太宗乙未從惟中南伐技德安得程頤朱
熹之書辛丑賜金符爲燕京行臺郎中時牙魯在赤行臺惟事貨賂

以樞幕長分及之樞遂去棄官攜家來輝州世祖卽位拜太子太師
至元十三年歷拜翰林學士承旨十七年卒年七十八謚文獻

卮言曰姚樞元史不載魯國之封然考當時與樞同事齊名如竇
默許衡後皆追封國公則樞不宜獨闕當從別史所載又衡之封
乃在至大中而默之封本史亦不載何年世祖時功臣恤典固厚
而封爵亦鮮豈亦大德至大間所追封耶今以史載年月者各從
本朝類史不載年月者則見之卒時云

魏國忠宣公張文謙邢州沙河人幼聰敏與劉秉忠同學世祖居潛
邸受邢州分地秉忠薦文謙可用丁未召見應對稱旨命掌王府書
記日見信用世祖卽位立中書省以文謙爲左丞至元十九年歷拜
樞密副使歲餘以疾卒累贈太師上柱國追封長子晏仕至御史中

丞卒贈陝西行省平章政事追嗣父封謚文靖

魏國文正公竇默廣平肥鄉人幼知讀書毅然有立志金末南走渡河依母黨吳氏醫者王翁妻以女使業醫轉安蔡州金主遷蔡默又走德安得伊洛性理之書自以為學自此始適中書楊惟中奉旨招集儒道釋之士默乃北歸於大名與姚樞許衡講習繼還肥鄉以經術教授由是知名世祖在潛邸遣召之問以治道久之請南還世祖卽位以為侍講學士至元十七年加昭文館大學士卒年八十五後累贈太師追封

定國公賈居貞真定獲鹿人年十六汴京破奉母居太平甫冠為行臺從事世祖中統元年授中書左右司郎中至元十五年累遷江西行省參知政事十七年卒贈平章政事追封

恒國忠肅公焦德裕其遠祖贊從宋丞相富弼鎮瓦橋關遂為雄州人父用仕金由束鹿令陞千戶守雄州北門太祖兵至用猶力戰太祖執而釋之使復舊官徇地山東木嘗妄殺一人年六十二卒德裕少拳勇善射從其舅解昌軍中太宗時以楊惟忠薦率兵平貴等於真定賜井硜北障城田世祖至元中屢從征伐有功歷拜福建行省參知政事二十五年卒贈平章政事追封

韓國文正公趙良弼女直人本姓木叟甲音訛為趙家因以趙為氏文愨金威勝軍節度使謚忠閔良弼明敏多智略初舉進士教授趙州世祖在潛藩召見占對稱旨會立邢州安撫司擢良弼為幕長已未世祖南征召參議元帥事兼江淮安撫使憲宗卒世祖北遷良弼陳時務十二事言皆有徵至元七年以良弼為經略使領高麗屯田

十九年乞解軍職乃命其子散木兒襲為本軍萬戶恒從皇子征交趾為流矢中卒謚武愍贈太保追封

沈國武愍公忽都思伯牙吾台氏史無傳

隴右義武王汪世顯鞏昌臨川人系出旺古族仕金屢立戰功官至鞏昌便宜總帥金平世顯獨城守及皇子駐兵城下始率眾降皇子承制錫世顯章服官從其舊即從南征定西蜀有功癸卯春卒中統三年論功追封隴西公謚義武延祐七年進今封長子忠長鞏昌便宜副總帥次德臣年十四侍太子射獵襲爵鞏昌便宜都總帥從征蜀有功使城益昌諸戎皆聽節制世祖命置行部于鞏奏乞以兄忠臣攝府事使已得專事益昌進攻嘉川漢中皆破之戊午從征龍州為飛石所中卒中統二年追封隴西公謚忠烈

梁國忠惠公汪良臣世顯第四子年十七即從兄德臣出征每戰輒當前鋒以功擢裨帥中統二年累功遷鞏昌便宜都總帥至元十五年四川悉平授中書左丞行四川中書省事行省罷改授安西王相不赴十八年夏卒贈柱國追封

閬中肅翼公楊大淵天水人與兄大淵弟大楫皆仕宋大淵總兵守閬中歲戊午憲宗兵攻閬中大淵力屈而降命以其兵從招降諸郡擢為大軍總管己未拜侍郎都行省與宋將相拒屢破走之至元二年以疾卒八年追封

魯郡文襄公孟祺宿州符離人世以財雄鄉里父仁業儒有節行壬辰北海寓濟川魚臺州帥石天祿禮之辟兼詳議府事祺幼敏悟善騎射早知問學侍父徙居東平時嚴實修學校招生徒立考試法祺

就試登上選辟掌書記廉希憲宋子貞皆器遇之以聞于朝擢國史院編修官十二年從伯顏伐宋爲行省諮議久之遷郎中伯顏雅信任之至元十八年擢浙東海右道提刑按察使疾不赴卒追封

齊郡武宣公張弘綱東安州人祖仁義金末徙家益都及太宗下山東仁義乃走信安金主將署爲總管守信安踰十年度不能友乃與主將舉城歸附從定河南授管軍元帥卒賜爵縣侯父禧年十六從軍征伐有功已未從世祖南伐力戰有功世祖卽位賜金符授新軍千戶至元四年改水軍總管從破襄陽陞萬戶佩金虎符從伯顏平宋下福建加江陰路達魯花至元十七年加都元帥拜行省平章政事以罪免弘綱從父攻城徇地屢有功自校尉管軍總把佩銀符換金符爲千戶陞總管後賜玉珠虎符授河南諸翼征行萬戶征西征戰沒追封子鼎襲江陰水軍萬戶

平昌武襄公管如德黃州黃陂人父景模爲宋將以蘄州降授淮西宣撫使如德爲江州都統制至元十二年亦以城降授湖北招討使從阿木南攻宋爲前鋒又從伯顏平宋累功遷浙西宣慰使二十六年歷江西行尚書省左丞卒于軍追封

清河文敏公張礎其先渤海人金末曾祖琛徙燕之通州祖伯達從忽都忽略地燕蘇金守其蒲察斤以城降忽都忽承刷以伯達知通州父範爲真定勸農官因家焉礎儒業丙辰歲平章廉希憲薦于世祖潛邸已未從世祖伐宋凡徵發軍旅文檄咸出其手中統元年立中書省以礎權左右司事歷遷國子祭酒出爲安豐路總管二十一年卒于官追封

河南忠定公陳祐趙州寧晉人世業農祖忠博學爲師旣沒門人謚曰茂行先生祐少工學家貧母張氏嘗剪髮易書使讀之長遂博通經史癸丑穆王府署祐爲其府尚書王旣分土於陝洛表祐爲河南府總管世祖卽位分陝洛爲河南西路中統元年真除祐爲總管世祖至元六年置提刑按察司首以祐爲山東道按察使十四年歷遷浙東道宣慰使爲盜所害追封

趙國文忠公陳天祥弟因祐仕河南自寧晉徙家洛陽天祥少隸軍籍善騎射中統三年李壇叛據濟南結宋爲援宣慰司承制以天祥爲千戶屯三汊口防遏宋兵事平罷歸居偃師南山躬耕讀書從遊者甚衆至元十一年起家招討司經歷從渡江南伐十三年授知興國軍二十一年拜監察御史大德七年歷拜集賢大學

士商議中書省事八年移疾謝去屢召不赴仁宗延祐三年卒年八十累贈行省平章政事卒追封

魯國通敏公陳思謙佑之孫少孤警敏好學文宗天曆初以薦舉召見授典寶監經歷改禮部主事至正十三年累遷御史中丞拜命次日卒贈柱國追封

絳國公賈昔刺燕之大興人本姓賈氏其父仕金爲庖人昔刺體貌魁碩有志於當世甲申因近臣入見莊聖太后遂從睿宗於和林典司御膳以其鬚黃賜名昔刺俾世族與蒙古人同甚親幸之令徙居濂州世祖在潛邸知其重厚使從迎皇后於弘吉刺之地自是預謀帷幄動中機會世祖卽位立尚食尚藥局賜金符提點局事卒追封聞喜郡侯謚敬懿英宗時以曾孫貴贈太保進今封子丑妮方幼時

世祖愛之從征雲南以勇敢聞己未從伐宋還自鄂州卒追封臨汾郡公謚顯毅英宗時以孫貴加贈太傅進同父封

臨汾王虎林赤丑妮子子智勇絕人從幸和林擊敵有功還佩其大父金符提點尚食尚醫二局超拜宣徽使仍領尚膳使卒英宗時以子貴贈太師進今封

冀安忠隱王禿堅不花虎林赤子襲世職爲尚藥尚食局提點世祖以故家子獨竒之使在左右從征乃頗有戰功陞同僉宣徽院事夫德末累遷宣徽使仁宗卽位加金紫光祿大夫延祐七年以疾去官英宗卽位帖失諧殺之後帖失以大逆伏誅事乃白贈太傅追封冀國公謚忠隱後進今封曾祖以下皆加贈云

鴈門公速羅海畏兀人父塔塔統阿性聰慧通本國文字乃蠻大駁可汗尊之爲傳掌其金印及錢穀太祖西征獲之命教太子諸王太宗卽位命司內府王璽金帛數加禮遇以疾卒速羅海其第三子世襲父職世祖卽位從其母入見欲官之以無功辭命統宿衛奉使遼東卒追封至大二年又追贈塔塔統阿如子爵

濟南公張榮濟南歷城人狀貌竒偉從軍以勇氣聞金末山東盜起榮率鄉民據濟南黃堂嶺聚衆略地歲丙戌歸附太祖授山東行尚書都元帥帥知濟南府事庚寅伐宋爲先鋒破汴梁取徐邳乙未中書致績爲天下第一乞致仕後十九年世祖卽位封致仕卒年八十三子邦傑嗣先卒孫宏嗣改真定路總管

彭城武莊公劉斌濟南歷城人少孤鞠於大父有勇力從張榮起兵

為管軍千戶壬辰攻河南以功授中翼都統破睢陽平太康移屯襄陽從攻安先登破其城乙卯累遷濟南軍萬戶移鎮邳州己未卒追封

濱國忠肅公劉思敬斌子賜名哈八兒都襲父職為征行千戶世祖中統至元中屢從征伐有功歷拜江西行省參知政事二十年卒贈柱國追封

東平莊憲公張昉東平汶上人父汝明金大安元年經義進士官至治書侍御史昉以任子試補吏部令史金亡還鄉里嚴實行臺東平辟為椽進募職乙卯權知東平府事以中統四年參知中書省事至元十一年歷拜兵刑部尚書乞致仕卒追封謚

寧夏忠遂公暗伯唐元人

史無傳

魏郡文貞公馬祖常世為雍古部居靖州天山有錫里吉思者於允常為高祖金季為鳳翔兵馬判官以節死贈恒州刺史子孫因其官以馬為氏曾祖月合乃從世祖征宋留汴掌饋餉累官禮部尚書父潤同知漳州路總管府事家于光州祖常七歲知學鄉貢會試皆中第一廷試為第二人累官樞密副使辭歸光州至元四年卒追封謚清河翼敏侯張子良涿州范陽人金末四方兵起子良聚州人阻水治舟從之者眾就食東平東平守納之久之守棄東平還汴檄子方南屯宿州又南屯嘉州壽州以援汴功授總管戊戌率泗州西城諸縣之眾因元帥阿木歸附太宗命為都總帥庚子賜金符癸丑憲宗命為歸德府總管中統二年世祖賜虎符七年改大名路總管兼府尹八年卒年七十八子懋弱冠已有父風領父軍鎮下邳知歸德府

事 中統元年授泗州軍總把佩金符至元七年擢千戶九年從破襄
樊有功十一年從伯顏平宋十三年授泗州安撫使達魯花赤十六
年改吉州路總管十七年卒追嗣父封謚宣敏

定海忠勇侯隋世昌其先登州棲霞人父寶徙居萊陽金末隸軍伍
主帥奇其貌以為管軍謀克太宗下山東寶遂來歸授萊陽令世昌
其第四子也涉獵書史善騎射癸丑選克馬軍以戰功陞馬軍隊官
已未克漣水陞馬軍千戶中統三年改步軍千戶至元元年授萊陽
縣諸軍奧魯長官七年以圍樊陞管軍千戶十三年從平陽州陞管
軍總管十七年拜安遠大將軍管軍萬戶二十三年以疾卒追封謚

子國英嗣

太原忠肅侯侯倚其先東萊人父永福金末避地徙燕為宛平著姓
富雄間里世祖選良家子入侍東宮倚年弱冠在衆中儀貌獨偉太
保劉秉忠深器重之即以克選拜工部尚書至元二十一年立東宮
官以倚為丞相二十八年歷遷禮部尚書明年卒追封謚

梁郡忠懿侯月乃合狄道人

右世祖時封爵凡王六人國公十六人郡公十四人
人封公進隨父見者王五人公十人

廣平武忠王博爾木阿兒刺氏始祖孛端察兒以才武雄朔方父納
忽阿兒闌與烈祖接境敦睦隣好博爾木沈雄善戰太祖於潛邸共
履艱危嘗從征伐太祖稱帝以為右萬戶令皇子受教未幾賜廣平
路戶一萬七千三百有奇為分地以老病卒太祖痛傷之太德五年
贈太師追封謚子字樂合襲爵萬戶卒贈太師追嗣父封謚忠定孫

玉昔子木兒世祖時嘗寵以不名弱冠襲爵統按台部衆至元十二年拜御史大夫累遷大傳錄軍國重事知樞密院事成宗即位進太師貞元元年以疾卒大德五年追嗣祖封謚貞憲子木刺忽仍襲爵爲萬戶卒子阿魯圖由經王監襲職爲怯薛官掌環衛遂拜翰林學士承旨至元三年嗣祖封爵至正四年拜中書右丞相十年別兒怯不花諷御史劾奏遂罷相十一年復起爲太傳出守和林遂卒無嗣咸陽忠惠王賽典赤膽思丁一名烏馬兒回回人別菴伯爾裔其國言賽典赤猶華言貴族也太祖西征膽思丁率千騎迎降命入宿衛從征伐太宗即位累授達魯花赤入爲燕京斷事官憲宗即位擢燕京路總管中統二年拜中書平章政事至元八年行省雲南撫輯西南諸夷翕然款附至元十六年卒大德元年贈太師上柱國追封

延安王納速刺丁膽思丁長子累官雲南宣慰使都元帥至元二十年進拜陝西行省平章政事二十九年以疾卒贈太師上柱國追進今封

奉元忠憲王伯顏察兒納速刺丁子累官中書平章政事佩金虎符贈太師上柱國中書左丞相追封

雍國忠簡公忽辛膽思丁二子初以世臣子備宿衛世祖善其應對至元十四年授兵部郎中明年出爲河南宣慰同知招降諸盜累遷江西行省平章政事至大三年卒天曆元年贈上柱國追封

魏國孝懿公布魯海牙畏吾人祖兒牙八海牙父吉臺海牙俱以功爲其國世臣布魯海牙幼孤依舅氏家年十八隨其主歸附充宿衛從太祖西征太宗初選使燕京總理財幣使還莊聖太后聞其廉謹

以名求之于太宗授真定路達魯花赤辛卯拜燕南諸路廉訪使未幾授斷事官累遷順德路宣慰使至元二年卒初布魯海牙拜廉使命下之日子希憲適生喜曰吾聞古以官爲姓天其以廉爲吾宗之姓乎故子孫皆姓廉氏後或奏廉氏仕進者多宜稍汰去世祖曰布魯海牙功多子孫亦朕所知非汝當預大德初贈大司徒追封

恒陽文正王廉希憲布魯海牙子幼魁偉舉止異凡兒世祖爲皇弟希憲年十九得入侍恩寵殊絕希憲篤好經史又善騎射歲甲寅世祖以京兆分地命希憲爲宣撫使世祖卽位以翊戴征伐功拜平章政事至元十年以忤旨罷十一年起北京行省平章政事十四年遷荆南行省十七年卒大德八年贈太傅追封魏國公謚文正加贈上柱國迄今封

淮忠武王伯顏蒙古八隣部人曾祖述律哥圖事太祖爲八陸部左千戶祖阿剌襲父職兼斷事官平忽禪有功得食其地父曉古台世其官從宗主旭烈兀開西域伯顏長於西域至元初旭烈兀遣入奏事世祖見而異之遂留焉二年拜中書左丞相十一年伐宋領河南行中書省十三年滅宋還朝拜同知樞密院十四年諸王昔里吉之叛伯顏討平之十八年頒羣臣食邑詔益以藤州等處四千九百七十七戶二十七年進金紫光祿大夫知樞密院事出鎮和林三十年召還世祖崩伯顏總百官以聽成宗卽位拜太傅錄軍國重事是歲卒大德八年贈太師追封淮安王謚忠武至正四年又進今封昇武毅王土土哈其先本武平北折連川按答罕山部族自曲出居西北玉里伯里山因以爲氏號其國曰欽察曲出生唆末納唆末納

生亦納思世爲欽察國主太祖時亦納思老國中大亂其子忽魯速蠻遣使歸附而憲宗兵適至其子班都察舉族迎降遂從征伐以強勇稱土土哈班都察之子也中統元年父子從世祖北征俱以功受上賞班都察卒乃襲父職備宿衛累遷樞密院副使先後征伐俱有大功世祖既取宋命籍建康廬饒租戶千爲哈刺赤戶益以俘獲千七百戶賜土土哈仍官一子以督其賦大德元年歷拜上柱國同知樞密院事奉命還北邊二月至宣德府卒贈司空追封延國公謚武毅後進今封

楊王抹兀兒土土哈第三子初以大臣子奉詔從太師月兒魯行軍戰于百搭山有功拜左衛親軍都指揮使大德元年襲父職領軍征討有功仁宗初累拜平章政事知樞密院事至治二年卒進今進

句容王答里牀兀兒子襲封

德忠武王燕鐵木兒牀兀兒第三子武宗鎮朔方備宿衛十餘年特愛幸之及卽位拜同知宣徽院事泰定帝崩定策迎立文宗捕姦黨誅之文宗卽位封太平王以太平路爲其食邑加上柱國錄軍國重事中書右丞相領兵擊王禩進討倒刺沙誅之兩都平加燕帖木兒以答刺罕之號使其世世子孫襲之天曆二年文宗遣迎明宗於漠北加拜太師明宗崩文宗復卽位以燕鐵木兒有大勲勞于王室封其曾祖父班都察漂陽王祖父王土哈昇王父牀兀兒楊王至順二年賜龍慶州之流盃園池水磴土田又賜平江松江等地因言平江松江扞田五百頃有奇糧七千七百石願增

友國詩集 卷五十一
為萬石入官以所得餘米贍弟撒敦詔從之文宗崩順帝未立而
燕帖木兒卒元統二年追封

榮王唐其勢燕帖木兒子順帝即位燕帖木兒已卒乃以唐其勢
為御史大夫元統二年授上柱國錄軍國重事答剌罕榮王太傅
左丞相賜廬州路為食邑宥世世子孫九死至元元年立其妹為
皇后唐其勢伯顏獨用事遂謀反伏誅

武寧正憲王徹里燕只台吉氏曾祖大赤為馬步軍都元帥從太祖
定中原以功封徐邳二州因家於徐徹里少孤母蒲察氏教以讀書
至元十八年世祖召見應對洋雅悅之俾常侍左右擢利用監二十
一年拜御史中丞世祖崩與諸王大臣共定策迎立成宗大德九年
案遷中書平章政事十月以疾卒贈太傅上柱國追封徐國公諡忠

肅至治二年加贈太師進今封子朶兒只江浙行省左丞

興元忠憲王完澤土別燕氏祖土薛從太祖起朔方平諸部太宗時
從睿宗伐金有功拜都元帥賜食邑六百戶父線真宿衛禁中中統
初從世祖北征四年拜中書丞相完澤以大臣子選為裕宗王府僚
屬裕宗薨成宗以皇孫撫軍北方完澤兩從入北至元二十八年拜
中書右丞相世祖崩受遺詔迎立成宗大德四年加大傅錄軍國重
事世稱賢相七年卒追封

鄭國忠宣公奧魯赤札刺台人曾祖豁火察驍果善騎射太祖出征
每提精兵為前驅祖朔魯罕有膽力從太祖與金人戰沒父忒木台
從太祖征西夏有功特命行省事平河南以功賜戶二千奧魯赤性
朴魯智勇過人早事憲宗特見親任至元五年攻襄陽授金符蒙古

軍萬戶明年賜虎符襲職領蒙古軍四萬戶十一年從伯顏伐宋十三年以功加參知政事行湖北道宣慰使成宗初歷進位上柱國江西行中書省平章政事大德元年卒贈大司徒追封

代國忠遂公幹脫赤姓伽乃氏迦葉彌兒人迦葉彌兒者西域築乾國也幹脫赤與弟那摩俱學浮屠氏後借入見太宗禮遇之定宗師事那摩憲宗尊爲國師幹脫赤領迦葉彌兒萬戶往諭其國國主不從怒而殺之憲宗爲發兵誅其國主元貞元年追封

延安忠獻王鐵哥幹脫赤子世祖卽位幸永安寺見其書字因召見愛其容儀秀麗語言清備宿衛日益親密至元十七年爲尚膳監十九年遷同知宣徽院事二十九年歷拜中書平章政事武宗卽位進中書右丞相仁宗皇慶元年進太傅錄軍國重事

年卒贈太師追封秦國公謚忠穆進今封改今謚

鄂國公史弼蠡州博野人曾祖彬有膽氣木華黎兵至蠡州彬率衆請降旣而州破彬得免弼長通國語膂力絕人潼關守將王彥弼竒其材妻以女又薦其材勇於丞相耶律鑄弼從鑄往北京世祖召試之授金符管軍總管命從劉整伐宋下襄陽以功陞副萬戶遂從丞相伯顏攻淮南十三年克揚州授揚州路達魯花赤兼萬戶累遷江西行中書省右丞三年陞平章政事封卒於家年八十六

齊國武宣公劉國傑本女真人姓烏古倫後入中州改姓劉氏父德寧爲宗王幹臣必闡赤授管領益都軍民公事國傑貌魁雄善騎射少從軍漣海爲隊長至元六年選其兵取襄陽以益都新軍千戶從張弘範攻萬山堡破宋兵有兵屢從征戰進萬戶宋亡入朝加僉書

西川行樞密院事元貞元年累遷湖廣行省平章政事以平西南夷功進光祿大夫八年還鎮卒年七十一贈司徒柱國追封謚

鞏國敏忠公華仙鼎畏吾人

趙國文肅公禿忽魯康里人

洹國文忠公唐仁祖畏兀人

雲國簡康公鐵哥木高哥人

林國武宣公完者都欽察人父哈刺火者從憲宗征討有功完者都

以材武從軍中統至元間屢立戰功累遷江浙行省平章政事大德

二年卒贈太尉上柱國追封

高陽襄公邸浹保定行唐人父順占籍於曲陽縣金末盜起順會諸

族集鄉人守石城玄保甲戌率衆歸太祖授行唐令丙子陞曲陽爲

恒州以順爲安撫使破金將武仙于真定賜金虎符加恒州都元帥

辛卯從太宗攻下河南知中山府己亥佩金符爲行軍萬戶丙辰卒

浹襲職己未從世祖渡江圍鄂州有戰功至元十三年累遷襄陽管

軍萬戶歷守諸鎮大德三年卒年七十七追封子榮仁襲爲歸德萬

戶鎮廣東疾不任事子貴襲卒子士忠襲卒子文襲

太原文定公王惲衛州汲縣人曾祖經祖字仕金官敦武校尉父天

鐸金正大初以律學中首選仕至戶部主事惲有材幹操履端方好

學善屬文中統元年姚樞宣撫東平辟爲詳議官以選至京師上書

論時政擢爲中書省詳定官二年轉翰林修撰至元五年拜監察御

史二十九年歷遷翰林學士成宗元貞元年加知制誥同修國史大

德元年進中奉大夫五年致仕八年卒追封

文穆公馮翊雷膺渾源人父淵金監察御史膺生七歲而孤金未母
侯氏挈膺北歸渾源課膺讀書膺篤學事母以孝聞史天澤鎮真定
辟爲萬戶府掌書記世祖中統二年王鶚等薦爲翰林修撰二十九
年歷拜集賢學士大德元年卒年七十三追封

汝南侯周全其先汝寧光州人仕宋爲副總管至元十二年伯顏
江南金率衆歸附遂以行省檄遙授衡州知州十四年以平兩廣功
賜虎符授管軍總管十七年進管軍副萬戶鎮守龍興二十年以疾
去官大德九年卒贈萬戶進封子祖瑞襲職

潁川文肅侯陳思濟柘城人幼讀書以才器見稱于時世祖在潛邸
聞其名召之以備顧問既卽位始建省部俾掌敷奏至元末累遷通
議大夫僉河南江北等處行中書省事大德五年冬以疾卒追封

隴西侯李元禮真定人資性莊重歷易州大都路儒學教授累遷博
士禮文多所詳定元貞元年拜監察御史大德元年改國子司業以
疾卒追封

右成宗時封爵凡王五人國公十人郡公三人侯三人隨父見
者王八人公一人

淇陽忠武王月赤察兒許兀慎氏父博爾忽事太祖爲第一千戶歿
于敵父脫歡襲職從憲宗征伐亦沒於陣月赤察兒性仁厚勤儉資
貌英偉世祖召見異之卽命領四怯薛大官至元十七年爲宣徽使
二十七年發桑哥姦誅之二十八年舉哈刺哈孫爲丞相得人成宗
卽位加太保錄軍國重事大德四年拜太師海都篤哇墟金山不附
于元月赤察兒討降之北邊寧定武宗立和林等處行中書省以月

赤察兒爲右丞相特封佩黃金印四年入朝眷禮優渥尋以疾卒于第

河南忠定王雪不台蒙古部兀良罕氏遠祖捏里弼生孝忽都雄勇有智略曾孫合飭溫王哈班哈不里哈班生二子長虎魯渾次雪不台太祖初建興都哈班來貢虎魯渾以百夫長西征破乃蠻立戰功雪不台以質子襲職太祖太宗屢從征討爲先鋒平中原定西域雪不台功居多定宗三年卒於篤列河之地年七十三至大元年追封武定智敏王孟速思畏兀人世居別失八古古北庭都護之地幼有奇質太祖召見異之以授睿宗復事世祖於潛邸日見親用世祖卽位眷顧益重南征時爲斷事官數命收召豪俊凡所引薦皆極其選詔與安童並拜丞相因辭不拜至元四年卒特謚敏惠武宗朝贈太師上柱國追封

壽^國忠惠公王守道其先真定平山人金亾羣盜並起宣撫司署守道爲縣尉衆悅之因轉攝令改真定主簿史天倪鎮真定以爲府經歷中統三年累遷真定路萬戶府參謀至元七年卒至大元年以子顯貴贈大司徒追封

冀^國忠宣石天麟順州人年十四入見太宗因留宿衛天麟好學習諸國書語耶律楚材選爲斷事官憲宗六年遣使海都拘留久之諭海都以歸順二十八年始得還世祖嘉之拜中書左丞兼斷事官武宗卽位歷拜平章政事至大二年秋卒年九十二贈太師上柱國追封

魏^國文正公許衡懷之河內人世爲農父通避地河南生衡於新鄭

幼有異質稍長好學遭世之亂往來河洛間從姚樞得程朱書益大
有得尋居蘇門與樞及竇默相講習家貧躬耕其鄉人皆化之甲寅
世祖出王秦中以姚樞爲勸農使乃召衡爲京兆提學世祖南征乃
還懷世祖卽位召爲太子太保遷國子祭酒至元十三年加集賢大
學士十八年卒大德二年贈司徒謚文正至大二年加贈太傅追封
益國武毅公李庭本金人蒲察氏金末來中原改稱李氏家于濟陰
後徙壽光至元六年以材武選隸軍籍權管軍千戶從伐宋圍襄陽
有功授金虎符爲管軍總管累加益都新軍萬戶十三年從伯顏平
宋加鎮國上將軍漢軍都元帥仍命其次子大椿襲萬戶職二十五
年累功拜平章政事商議樞密院事成宗大德八年二月卒至大二
年加贈太保上柱國追封子大椿襲職益都新軍萬戶成建康大誠
襲職後衛親軍都指揮使

鄭國忠毅公崔斌馬邑人性警敏多智慮魁岸雄偉善騎射尤攻文
學而達政術世祖在潛邸召見應對稱旨命戍淮南有功授金符爲
總管中統二年改西京參議宣慰司事至元十年伯顏伐宋斌從阿
里海牙定湖南拜行省參知政事十五年遷江淮行省左丞至太初
贈太傅追封

鄭國忠肅公崔或弘州人負才氣剛直敢言世祖甚器重之至元十
九年除集賢侍讀學士成宗大德二年累遷平章政事三年卒至大
元年贈太傅追封

薊國文正公王壽涿郡新城人幼穎敏嗜學長以通國字爲中書掾
旣而用朝臣薦入侍裕宗眷遇特異至元十九年授兵部員外郎至

大二年累遷太子賓客集賢大學士卒贈上柱國追封

閩國忠愍公王積翁福寧人仕宋為福建制置使宋亡以閩圖籍獻

元後使日本遇害武宗時追封

右武宗時封爵凡王三人國公八人

學海君道部卷之七十八

世系類

列國譜系五十九

元封篇三

功臣王公章二

浚都王囊加反乃蠻人曾祖不蘭伯仕其國至太師太祖平乃蠻父
麻察來歸太宗命總管蒙古漢軍從世宗征伐有功賜金符後以子
貴追封梁國公謚桓武囊加反幼從父習戰有謀畧佩金符為都元
帥府經歷從阿木圖襄陽以功授漢軍千戶從伯顏平宋累遷江東
道宣慰使領萬戶征雲南得疾召還京師授河東南道宣慰使命襲
父職為蒙古軍都萬戶武宗在潛邸囊加反嘗從征伐成宗崩定策

立武宗功以授開縣萬戶府達魯花赤同知樞密院事尋以病乞休
仁宗卽位以其家河南特授河南江北行省平章政事佩金虎符封
子教化山東河北蒙古軍副都萬戶孫脫堅山東河北軍大都督世
襲有位

南陽武宣王高興蔡州人其先自薊徙汴曾祖拱之祖子洵世以農
爲業金末兵亂父青又徙蔡而主興興少慷慨多奇節至元十一年
挾八騎詣黃州謁宋制置陳奕奕使隸麾下且奇興相貌以甥女妻
之十二年伯顏伐宋至黃州興從奕出降伯顏承制授興千戶從征
戰有功累遷管軍萬戶二十九年拜福建行省平章政事武宗卽位
拜左丞相商議河南省事仁宗皇慶二年卒贈太師上柱國追封梁
國公謚武宣元統三年進今封

趙國文定公阿魯渾薩里畏兀人祖阿台薩理當大祖定西域還時
因從至燕會畏兀國王亦都護請于朝盡歸其民許之遂復西還
精佛氏學生乞台薩理襲先業通經律至元十一年丁入爲釋教都
統歷加資德大夫年七十卒阿魯渾薩理其中子也以父字爲全氏
幼聰慧受業於國師八哈思巴世祖聞其材命習中國之學裕宗入
宿衛深見器重至元二十年召與西僧論難令宿衛內朝二十一年
擢在侍儀奉御歷集賢大學士領太史院事成宗卽位以定策功拜
中書平章政事大德十一年卒延佑四年贈太師追封及其祖父阿
台薩理謚端愿乞台薩理謚通敏

定國襄穆公趙璠雲中蔚州人父昆仕金爲帥府評事兄珪以萬戶
守飛狐城庚午昆卒珪輦其母如蠡州璠璠於飛狐璠自幼不羈閑

習武事癸酉太祖南伐璿以城降丁丑木華黎署爲百戶從攻蠡州破之又破相州論功授冀州行軍都元帥佩金虎符璿讓其兄珪從之改授璿總管太宗下河南命權中都省事以功遷中山真定二路遠魯花赤至元十四年累遷河南道按察使十六年致仕明年卒年八十皇慶元年贈太保上柱國追封

雲國文昭公趙乘溫璿子事世祖潛邸命受學於劉乘忠從征雲南行右三部事至元七年創習朝儀授禮部侍郎知侍儀司事累遷昭文大學士二十九年編集旣成特命其子慧襲侍儀使皇慶元年贈司徒追封

冀國武靖公王善真定藁城人父增監本縣酒務以孝行稱善資儀雄偉多智畧尤精騎射金貞祐乙亥羣盜蜂起衆推善爲長善約束有法備禦有方盜不能犯擢本縣主簿戊寅權中山府治中金將武仙密令知府李濟害之善覺誅濟遂率衆歸附授金符同知中山府事癸未以平武仙功賜金虎符累遷左副元帥辛丑累功授知中山府事癸卯卒皇慶元年贈大司徒追封

營國簡僖公高宣遼陽人太祖元年詔宣爲元帥賜金符統兵從睿宗攻破大名四年從破金兵以功爲都總管賜金符仍令子孫世其職卒皇慶二年贈大司徒追封子天錫事世祖潛邸爲必闡赤入宿衛甚見親幸中統二年授以其父官爲鷹坊都總管累遷兵部尚書卒贈太保上柱國追嗣父封謚莊懿子諒初爲燕王府符寶郎俄命襲其父官爲鷹坊都總管累遷兵部尚書卒贈太師上柱國追嗣祖封謚宣靖子塔失不花成宗命世其祖父官延祐四年累遷大司農

卒

魯國文定公商挺曹州濟陰人其先本姓殷避宋諱改焉父衡僉陝西行省員外郎以戰死挺年二十四汴京破北走依冠氏趙天錫東平嚴實聘爲諸子師實卒子忠濟嗣辟挺爲經歷出爲曹州判官世祖在潛邸聞其名徵爲郎中憲宗卒挺與廉希憲密贊大計世祖既卽位以希憲及挺宣撫使蜀中統二年進參知政事至元八年遷樞密副使二十年以罪累繫獄久之乃釋二十五年卒年八十延佑初贈太師追封

趙國忠靖公野訥畏吾人封年未詳

定國文肅公王恂中山唐縣人父良金末爲中山府掾已而棄去吏業潛心伊洛之學年九十一卒恂性隸悟已酉太保劉乘忠北上途經中山見而竒之及南還從乘忠學於磁之紫金山癸丑乘忠薦之世祖召見命爲太子伴讀累遷領國子祭酒至元十八年卒延祐二年贈司徒上柱國追封

薊國孝敏公吳鼎燕人至元十七年見裕宗於東宮命入宿衛二十五年授織染局副總管後積官至禮部尚書宣徽副使皇慶二年歷拜資政大夫崇祥院使延佑三年卒贈平章政事追封

冀國文正公赫天挺出於朶魯別族自曾祖而上居安肅州父和上拔都魯太宗憲宗之世多著武功爲河東行省五路軍民萬戶天挺英爽剛直有志畧受業於遺山元好問以勲臣子世祖召見嘉其容止俾執文字備宿衛春宮及建省雲南除叅知政事歷拜河南行省平章政事皇慶二年卒贈柱國追封

趙國忠宣公劉正清州人年十五知讀書習吏事初辟制國用使司
令史遷尚書戶部令史至元十五年累擢左司都事十八年爲左司
員外郎三十年歷遷吏部尚書仁宗初時政風動天下正與諸老臣
陳贊之力居多拜平章政事延祐六年卒贈司徒柱國追封
齊國文簡公劉敏中濟南章丘人幼卓異不凡至元十一年由中書
掾擢兵部主事拜監察御史武宗卽位拜河南行省叅知政事召爲
翰林學士延祐五年卒贈柱國追封

恒山文恭公王思廉真定獲鹿人幼師元好問旣冠河東宣府辟掌
書記復謝歸至元十年董文忠薦之世祖召見授符寶局掌書至元
二十九年累遷樞密院判官成宗卽位遷翰林學士仁宗卽位以翰
林學士承旨致仕延祐七年年卒年八十二追封

平原文定公子孟攀麟雲內人曾祖彥甫以明德爲西北路招討司祖
鶴父澤民俱爲金進士攀麟幼號竒童擢進士仕至招討使歲壬辰
汴京下北歸居平陽丙午爲陝西帥府詳議官遂家長安世祖中統
三年授翰林待制同修國史至元四年卒延祐三年追封

武威莊武公賈文備初州蒲陰人父輔仕金爲神州刺史金將武仙
謀害之輔以衆歸太祖遂從征伐累功至萬戶卒文備襲父千戶職
中統四年以功改授萬戶至元二十三年歷遷湖廣行省叅知政事
二十四年致仕後十七年以疾卒延祐四年追封

東平文穆公呂或士河內人七世祖公緒與宋丞相公著爲從昆弟
祖庭金末避亂去鄉里父佑歸附初隸兵籍轉徙北郡復至關中家
焉從許衡學衡爲國子祭酒舉或爲伴讀至元十三年擢陝西道按

五十四
卷五十一
察司知事仁宗卽位拜翰林侍讀學士未幾致仕延祐元年遣使給
繹送還關中以疾卒年七十八追封

彭城忠憲公劉宣其先潞人也因出戍留居忻金末避地于陝後徙
太原宣沉毅清介居家孝友自幼喜讀書有經世之志宣撫張德輝
至河東見而器重之還朝薦爲中書省掾徃從許衡講學初命爲河
北巡行勸農副使至元十二年入爲戶部郎中從伯顏平宋贊畫居
多除知松江府二十五年歷集賢學士除行臺御史中丞卒延佑四
年從子自持上宣行實追封

陳留憲穆公謝讓穎昌人祖義有材勇金貞祐間爲義軍千戶讓幼
穎悟好學及壯推擇爲吏補宣慰司令史累遷戶部員外郎至大中
歷拜刑部尚書仁宗延祐元年拜西臺侍御史四年卒追封

容城文靖公劉因保定容城人世爲儒家五世祖琮生敦武校尉臨
洮府錄事判官昉昉生奉議大夫中山府錄事侯侯生乘善金貞祐
中南徙乘善生述述壬辰述始北歸刻意問學中統初劉肅宣撫真
定辟武邑令以疾辭歸年四十餘始生因天資絕人甫弱冠才氣超
邁初爲經學及得伊洛之書一見能發其微不忽末以因學行薦于
朝至元十九年詔徵因擢承德郎右贊善大夫未幾以母疾辭歸二
十八年復以集賢學士徵因以疾固辭不起三十年卒延祐中追封
上黨文懿公尚野保定人皇慶中封

清河敬惠侯張炤濟南人父信以商賈起家贊雄於鄉炤幼隸悟力
學始補吏中統元年辟爲中書省掾俄遷右司徒提控案牘至元四
年累遷四川行省員外郎十一年改授淮西路行省郎中從攻瓜州

鎮江贊畫之力居多十三年遷揚州路總管府達魯花赤謝病歸二十一年起為東昌路總管蒞政二年吏民畏服以治最稱二十五年卒延佑五年追封

右仁宗時封爵凡王二人國公十人郡公八人侯一人隨父見者國公一人

魏國文敏公趙孟頫字子昂宋太祖子秦王德芳之後也五世祖秀安僖王子偁四世祖崇憲靖王伯圭高宗無子立子儼之子是為孝宗伯圭其兄也賜第于湖州故頫為湖州人曾祖師希祖希永父與嘗仕宋皆至大官八元以孟頫貴並封吳興郡公孟頫幼聰敏年十四用父蔭補官至司戶參軍宋亡家居益自力於學至元二十三年程鉅夫奉詔搜訪遺逸于江南得孟頫以之入見世祖甚喜命草詔

頒行天下尋授兵部郎中延佑三年累遷翰林學士承旨六年致仕至治二年卒追封

魏國文忠公李孟潞州上黨人曾祖執金末舉進士祖昌祚歸元授金符潞川宣撫使父唐歷仕秦蜀因徙居漢中孟生而敏悟七歲能文博學強記倜儻有大志至元十四年隨父入蜀行省辟為掾不赴調晉原縣主簿又辭後以事至京師右丞楊吉丁一見奇之薦于裕宗得召見東宮未幾裕宗薨不及擢用成宗立授太常少卿從仁宗居懷州有講學啟導之功成宗崩安西王阿難答謀繼大統成后為之主孟與仁宗定策迎立武宗拜中書平章政事仁宗即位進階光祿大夫推恩其三世又賜爵秦國公孟悉辭不受延祐二年進位上柱國改封韓國公仁宗崩英宗初立太師鐵木迭兒復相以孟前共

政時不附已讒構誣謗盡收前後封拜制命降授集賢侍講學士至治九年卒御史累章辨其誣詔復官贈太保進今封

右英宗時封爵凡國公二人

楚國文憲公程鉅夫其先自徽州徙郢州京山後家建昌縣叔父飛卿仕宋通判建昌世祖時以城降鉅夫人爲質子授管軍千戶他日召見應對稱旨授應奉翰林文字至大四年累遷翰林學士承旨皇慶二年以病乞歸五年卒年七十泰定間贈柱國追封

趙國忠簡公吳元珪廣平人父鼎燕南提刑按察副使元珪簡重好深沉之思至元十四年世祖召見命侍左右授後衛經歷佩金符仁宗時歷拜樞密副使英宗初以年老致仕至治二年起商議中書省事三年卒泰定元年追封

蘇國忠敏公王伯勝霸州文安人兄伯順給事內庭爲世祖所親幸因以伯勝入見命使宿衛至元二十五年從征乃蠻以功授拱衛直都指揮使至治二年累遷武衛親軍都指揮使仍大都留守泰定三年卒追封次子馬兒襲武衛親軍都

魏郡文肅公暢師文南陽人祖淵贈中順大夫上騎都尉魏郡伯父訥有詩名仕爲汴幕官贈大中大夫上輕車都尉魏郡侯師文幼警悟弱冠謁許衡與衡門人姚遂等皆相友善至元五年陳時政十六策丞相安童竒其才辟爲右三部令史十二年丞相伯顏攻宋選爲椽屬從平宋除東川行樞密院都事大德二年歷遷國子司業皇慶二年歷遷河北肅政廉訪使以病去官延佑元年徵拜翰林學士復以病歸四年卒年七十一泰定二年追封

陳留文清公袁桷慶元人宋同知樞密院事韶之曾孫爲童子時已著聲部使者舉茂才異等起爲麗澤山院山長大德初程文海等薦爲翰林國史院檢閱官至治元年累遷侍講學士泰定初辭歸四年卒追封

清河文敏公元明善大名清河人其先蓋拓跋之裔居清河者至明善四世矣明善資穎悟讀書過目輒記弱冠游吳中名已能文章浙東使者薦爲學正辟椽行樞密院從破贛州賊授樞密院照磨轉中書左曹椽累遷至翰林學士至治二年卒泰定間追封

天水貞獻侯趙宏備其陵人後徙潁川至元十三年大兵攻宋宏備以書謁元帥宋都解於軍中奇之俾以兵畧地臨江下吉州以功署吉州叅佐官授太和縣尹遷衡州路治中仁宗皇慶二年以江南行

臺治書侍御史致仕延佑二年復起爲福建道肅政廉訪使未幾以疾辭泰定三年卒追封謚子思恭追嗣父封

右泰定時封爵凡國公三人郡公三人侯一人

廣寧文正王耶律楚材遼東丹王突欲八世孫父履以學行事金世宗特見親任終尚書右丞楚材生三歲而孤母楊氏教之學及長博極羣書金制宰相子例試補省掾楚材欲試進士科章宗詔如舊例試以疑獄數事所對獨優遂辟爲掾後仕爲開州同知金宣宗遷汴完顏復興留守燕辟爲左右司員外郎太祖定燕聞其名召見備之遂從征伐太宗卽位所奏無不從辛卯秋以奏立燕京等十路徵收稅課使太宗嘉其不去左右而能使國用克足卽日拜中書令太宗卒皇后乃馬直氏稱制楚材以直諫后不悅甲辰五月卒至順元年

贈太師上柱國追封

懿寧文忠王耶律鑄楚材次子幼聰敏善屬文尤工騎射楚材卒嗣領中書省事時年二十三從憲宗征蜀有功乙未憲宗卒阿里不哥叛鑄棄妻子歸于世祖中統二年拜中書左丞相至元二十二年卒年六十五至順元年贈太師上柱國追封

秦王伯顏茂兒吉剌氏魯大父探馬哈兒給事宿衛大父彌海從憲宗伐宋歿於王事父謹只記總宿衛伯顏弘毅深沉明達果斷年十五奉成宗命侍武宗于藩邸累從征伐有功賜號曰伯顏拔都兒武宗卽位歷拜平章政事英宗時遷南臺御史大夫泰定時遷河南行省平章政事舊所賜河南田五千項以二千項奉帝師祝釐八百項助給宿衛自取不及其半泰定帝崩伯顏與丞相燕鐵木兒迎立文

宗進位太保錄軍國重事明宗卽位文宗居東宮拜太子詹事遷中書左丞相明宗崩文宗復嗣位以伯顏功大不有異數不足以報稱特命尚世祖女孫賜黃金雙龍符時丞相燕帖木兒議封伯顏王爵衆論附之中書左司郎中自當獨曰太保位列王公而復加王封後再有大功將何以處之且丞相封王出自上意今欲加太保王封丞相宜請于上王爵非中書選法也遂罷其議至順二年八月乃進封浚寧王又追封其先三世爲王加拜大傅文宗崩伯顏奉太后命立寧宗尋崩順帝卽位嘉伯顏翊戴之功進位太師中書右丞相元統二年進今封又以誅唐其勢賜以答剌罕之號俾世襲之五年詔爲大丞相六年以謀逆徙南恩州病死

德王馬札兒台伯顏弟蚤扈從武宗後侍仁宗於潛邸出入恭謹蒞

事敏達仁宗說之及卽位歷遷兵部尚書恭定時知樞密院事至元三年議進爵封王辭以兄伯顏旣封秦王兄弟不宜並王乃拜太保分樞密院往鎮北邊六年伯顏旣黜召拜太師中書右丞相未幾以疾固辭遂以太師就第七年以其子脫脫爲右丞相而封馬札兒台爲忠王至正七年別兒怯不花讒于帝詔安置其肅以疾卒十二年特命改今封

鄭王脫脫馬札兒台長子生而隸異稍長膂力過人年十五爲皇太子怯憐口怯薛官天曆元年襲授成製提舉司達魯花赤元統初累遷同知樞密院事至元四年以誅唐其勢拜御史大夫六年以謀逐伯顏遷知樞密院事至正元年父以太師就第遂命脫脫爲中書右丞相錄軍國重事四年屢上表辭位從之封鄭王食邑

安豐俱辭不受乃賜松江田爲立稻田提領司所以領之七年父以讒徙甘肅脫脫力請俱行父卒帝念脫脫勲勞召還京師復爲中書右丞相進拜太傅五年以用賈魯治黃河有功賜世襲荅刺罕之號仍賜淮安路爲其食邑郡邑長吏聽其自用十二年進位太師十四年總制諸軍討張士誠有功俄而以讒被罪削官爵安置淮安十五年臺臣猶以謫輕列疏其兄弟之罪於是詔流脫脫于雲南弟子皆安置遠州脫脫行至大理哈麻矯詔殺之二十三年御史張冲等上童雪其寃乃復官爵并給復其家產召其二子還朝二十六年御史聖奴等以脫脫不死安有今日之亂乞封一字王爵定謚及加功臣之號朝廷皆是其言然以國家多故未及報而國亡

蔡國文憲公郭貫保定人以才行見推擇爲樞密中書掾調南康路
經歷至元二十七年拜監察御史英宗至治元年歷遷集賢大學士
致仕至順二年以疾卒年八十二追封

濱國文忠公張養浩濟南人幼有行義好讀書山東按察使焦遂
之薦爲東平學正游京師獻書於平章不忽木大奇之辟爲禮部令
史授堂邑縣尹仁宗在東宮召爲司經未至改文學拜監察御史天
曆二年累遷陝西行臺中丞卒至順二年贈柱國追封謚

魯國文忠公敬儼其先河東人後徙易水五世祖嗣微仕金官至叅
知政事曾祖子淵樂陵令祖鑑同知蒿州事皆以進士起家父元長
有學行官至太常博士儼其仲子也幼不爲嬉戲事長嗜學善屬文
御史中丞郭良弼薦爲殿中知班選克中書省掾大德二年授吏部

主事後拜監察御史仁宗皇慶五年歷遷中書叅知政事泰定四年
拜中書平章政事以老病告歸家居十餘年卒贈柱國追封

魯國文忠公趙世延其先雍古族人居雲中北邊曾祖黜公爲金羣
牧使祖按竺邇幼孤鞠於外大父要甲謠爲趙家因氏爲趙驍勇善
騎射從太祖征伐有功爲蒙古漢軍征行大元帥鎮蜀因家成都父
黑梓以門功襲父元帥職兼文州吐番萬戶達魯花赤世延天資秀
發喜讀書究心儒者體用之學弱冠世祖召見俾入樞密院御史臺
拜習官政至元二十一年授承事郎按察司判官泰定時累遷同知
樞密院事泰定帝崩大臣迎立文宗世延贊畫之功爲多天曆二年
歷拜中書平章政事至順元年加翰林學士承旨封魯國公以疾致
仕養疾於金陵之茅山二年改 涼國公至元元年起除原官改封

魯國公二年卒年七十七至正二年贈上柱國追謚

京國忠壯公野峻台世延長子由黃州路總管累遷四川行省叅政與平章咬住討賊死事贈柱國追封

蜀郡忠愍公伯忽世延第三子為夔州路總管天曆初曩知台據蜀叛伯忽死于難追封

冀國忠景公脫因納荅荅艾氏

史無傳

臨川文正公吳澄撫州崇仁人高祖曄初居咸口里當華蓋臨川二山間望氣者徐覺言其地當出異人澄生而穎悟及長用力聖賢之學嘗舉進士不中至元十三年侍御史程鉅夫奉詔求賢江南起澄至京師以母老辭歸未幾又以薦擢應奉翰林文字除江西儒學副提舉入為國子監丞英宗初超遷翰林學士天曆四年卒年八十五

追封

東平文獻公曹元用世居阿城後徙汶上祖義不仕父宗輔德清縣主簿俊爽嗜書經自成誦始以鎮江路儒學正考滿游京師閻復大寄之薦為翰林國史院編修官御史臺辟為掾史轉中書省右司掾歷除應奉翰林文字遷禮部主事至翰林侍講學士天曆二年卒追封

汝南文懿公齊履謙

史失其籍

人父義善筭曆履謙生六歲從父至京師

七歲讀書一過即能記誦十一盡得推步星曆乙法十三從師聞聖

賢之學至元十六年補星曆生授星曆教授至治三年歷拜太史院

使天曆二年卒至順三年追封

南陽貞肅公韓若愚保定滿城人由武衛府史授通惠河道所都事

開河有功遷留守司都事天曆三年歷遷淮西江北道廉訪使尋以疾卒年六十八追封

天水莊靖公趙彙涑水人有瞻畧善騎射好施予金末避兵西山柵險以保鄉井癸酉太祖遣兵破紫荆關彙以其衆降授涿易二州長官佩金符尋以功遷都元帥丙申加金紫光祿大夫卒至順元年追封

上黨忠定公樊楫冠州人初爲軍吏從下鄂江陵有功以行省命爲都事宋平從入朝改員外郎從定廣西陞郎中至元二十四年從征交趾累遷行中書省叅知政事二十五年力戰死事至順元年追封彭城清惠侯劉德溫大興人起家中書省宣使大德十一年以年勞授從仕郎內宰司照磨累遷禮部侍郎永平路總管至順四年卒追

封

京兆文貞侯同恕其先太原人五世祖遷秦中遂爲奉元人祖昇父繼先博學能文廉希憲宣撫陝右辟掌庫鑰家世業儒恕安靜端凝羈非如成人從鄉先生學日記數千言年十三以書經魁鄉校至元間關陝以怒貢禮曹辭不行仁宗卽位卽其家拜國子司業英宗時累遷集賢待講學士以老疾歸致至順二年卒年七十八追封

河南正獻侯卜天璋洛陽人父世昌仕金爲河南孔目官憲宗南征率衆款附授鎮撫統民兵二千戶陞真定路管民萬戶遂家汴天璋幼穎悟長負直氣讀書史識成敗大體至元中爲南京府史辟爲河南憲史聲聞益著後爲中臺掾大德四年遷工部主事天曆二年歷拜山南廉診使至順二年卒年八十追封

右文宗時封爵凡王二人國公五人郡公六人侯三人隨父見者
王二人國公一人郡公一人

齊忠獻王亦憐真班西夏入父俺伯以忠勤事世祖爲知樞密院事
亦憐真班性剛正動有禮法仁宗召見令入宿衛累官江西行省左
丞相至正十四年卒於官追封有子九人

冀忠宣王別兒怯不花燕只吉解氏曾祖忙怯禿以千戶從憲宗南
征有功父阿忽台事成宗爲丞相被誅後贈和寧忠憲王別兒怯不
花蚤孤八歲以興聖太后及武宗命侍明宗于藩邸尋入國子學爲
諸生仁宗召入宿衛八番宣撫司長乃其世職英宗遂授八番宣撫
司達魯花赤遂率諸部來受約束泰定三年特授同知太常禮儀院
事至正七年歷拜中書左丞相明年以言者謫居渤海縣十年卒子

遠世帖木兒用于朝遂贈別兒怯不花上柱國太師追封

穎川忠襄王察罕帖木兒系出北庭曾祖闊闊台元初隨大軍收河
南祖乃蠻台父河魯溫皆家河南爲穎川沈丘人察罕帖木兒幼篤
學嘗應進士舉有時名至正十一年汝穎盜起十二年察罕起義沈
丘襲破羅山事聞授汝寧府達魯花赤累破賊兵收復河南以功歷
拜中書平章政事知河南山東行樞密院事二十二年山東俱平移
兵圍益都爲降賊王士誠田豐所刺贈上柱國追封忠襄王謚獻武
尋改封穎川王改謚忠襄食邑沈丘縣所在立嗣又封其父阿魯溫
汝陽王後又進封梁王

河南王擴廓帖木兒察罕帖木兒之甥自幼養以爲子察罕被害
詔以擴廓爲太尉中書平章政事知樞密院事嗣總父兵討田豐

王士誠誅之山東悉平乃駐兵汴洛朝廷方倚之以爲安而亭羅帖木兒在大同數以兵爭晉冀擴廓與戰不利遂奉太子奔于太原亭羅擁兵入朝自爲丞擴廓與太子率兵討之亭羅伏誅乃以擴廓爲左丞相卽請南還視師於是封河南王俾總天下兵孝思齊等其遂心不能平遂與擴廓連兵不解二十七年詔命皇太子親總天下兵而分命擴廓以其兵肅清江淮擴廓拒命不受而太子亦止不行詔落擴廓官職依前河南王以汝州爲食邑與弟因同居河南府而以河南府爲梁王食邑從官行屬悉令還朝擴廓旣受詔卽退軍屯澤州詔又命李思齊等率兵東討二十八年擴廓卽遣兵據太原李思齊等夾攻澤州詔削奪擴廓爵邑令諸軍共誅之擴廓退守平陽而思齊等解兵西歸擴廓上疏自陳待明師已定山東及河洛乃下詔復擴廓官爵以兵南討擴廓又自平陽退守太原事已不可爲矣已而帝北奔明師至太原擴廓遁奔其肅

薊國文忠公陳顥其先居盧龍有名山者仕金爲謀克鑿軍太祖得之以爲平陽等路軍民都元帥子孫徙清州遂爲清州人顥幼穎悟日記誦千百言稍長游京師登翰林王盤安藏之門由是薦入宿衛尋爲仁宗潛邸說書仁宗入定內難以迎武宗顥皆預謀及仁宗卽位以推戴舊勳特拜集賢大學士仁宗崩辭祿家居者十年文宗卽位復起爲集賢大學士至元四年致仕明年卒年七十六贈柱國追

封

楚國文公歐陽玄其先家廬陵與父忠父修同所自出至曾大父新

始遷居瀏陽故玄爲瀏陽人幼岐嶷比長日記數千言卽知屬又年十四習爲詞賦下筆成章延祐二年進士出身授平江州同知至正十四年歷拜翰林學士承旨十七年致仕卒年八十五贈柱國追封齊國之穆公卒穆滕州人穆幼穎敏八歲能記誦經史泰定四年中進士第授單州判官至正五年歷遷山東廉訪使致仕還京師卒贈柱國追封

魏國文獻公蓋苗大名元城人幼聰敏好學善記誦延祐五年登進士第授單州判官至正五年歷拜中書參知政事同知經筵事出爲陝西行御史臺中丞乞歸田里明年卒追封

魏國忠定公董搏霄磁州人田國子主辟陝西行臺掾授四川肅政廉訪司知事除涇陽縣尹入爲戶部主事至正十七年以討賊平濟南歷遷淮南行樞密院副使十八年拜河南行省右丞爲賊所陷死之贈柱國追封

隴西忠毅侯董昂霄搏弟從搏霄破賊以功授淮南行樞密判官與兄同死于難追封

衛國忠肅公褚不華隍州石樓人沉默有器局泰定初補中瑞司譯史授海道副千戶累遷淮東道廉訪使至正十六年守淮安爲賊所陷力戰死之追封

魯國公樊執敬濟寧鄆城人性警敏好學由國子生擢授經郎至正十年累遷江浙行省參知政事十二月海賊犯餘杭城陷不屈死之追封

趙國公丁好禮真定蠡州人精律筭初試吏於戶部辟中書掾授戶

部主事累遷集賢大學士致仕至正二十七年起爲中書平章政事
尋以論議不合謝政去特封明師入京師好禮不屈死之年七十五
幽國忠宣公余闕唐兀氏世家河西武威父沙刺減卜官廬州遂爲
廬州人闕少喪父授徒以養母與吳澄弟子張恒游文學曰進元統
元年賜進士及第授同知泗州事歷遷刑部主事以不阿權貴棄官
歸尋以修遼金宋三史召復入翰林爲修撰出僉浙東道廉訪司事
丁母憂歸廬州至正十三年起爲淮東僉都元帥府事分兵守安慶
累拜淮南行省右丞十八年陳友諒兵陷安慶闕自剄妻耶卜氏及
子德生女福童皆赴井死時年五十六贈柱國追封

魏國忠介公恭不華伯牙吾台氏世居白野山父塔不台入直宿衛
歷仕台州錄事判官遷居於台家貧好讀書能記問年十七江浙鄉
試第一明年對策大廷賜進士及第授集賢修撰至正元年歷除紹
興路總管十年累遷台州路達魯花赤十二年討方國珍於黃巖遇
害時年四十九贈柱國追封

衛國忠肅公福壽唐兀人幼俊茂知讀書尤善應對既長入備環衛
累遷同知樞密院事至正十一年潁州盜起出爲淮南行省平章政
事議築石頭斷江而守十五年遷江南行臺御史大夫十六年明兵
圍集慶即今南京福壽出戰遇害贈上柱國追封

卮言曰當漢唐宋之末每遇大兵其都顯位守封疆者趨降恐後
而元季之死事者獨多於前朝又皆其本土人也被生於遐荒而
學於中國故見義爲真然至於合屬赴難舉家損軀則所謂天授
非學問力也而皆有封謚以報其節名義之在人固不可泯哉故

因封爵以傳其人豈得謂胡無人云

越國忠愍公石抹宜孫其先遼之廸列紮人五世祖曰世先事太祖爲御史大夫也先之魯孫曰繼祖襲父職爲沿海上職副萬戶累立戰功兼有學術宜孫其子也性警敏嗜學問襲父職守處州至正十一年方國珍起海上宜孫討破之以功累遷江浙行省叅知政事十八年明師入處州宜孫自發還至處之慶元縣爲亂兵所害追封

晉國清憲公

隴西忠文公李黼潁人工部尚書守中之子初補國學主泰定四年以明經魁多士授翰林修撰累遷江州路總管至正十一年以破賊功拜江西行省叅政以援絕爲賊所陷死之追封

大... 公... 漢陽人祖昂父惠俱以戰功顯嘉慷慨有大志始

由國子生登泰定三年進士授彰德路判官累遷廣寧路總管至正十八年寇陷上京嘉率義兵出禦力戰死之追封

曹南忠烈公孫撫曹州人至正二年進士授濟寧路錄事張士誠據高郵叛朝廷以撫爲集賢待制輔烏馬兒使招諭之遂爲士誠所拘後謀復高郵事泄不屈死之追封

清河貞敏公張思明其先獲嘉人後徙居輝州思明穎悟過人讀書日記千言至元十九年由侍儀司舍大辟御史臺掾又辟尚書省掾擢湖廣行省都事元貞元年累遷戶部主事延祐五年歷拜中書左丞英宗時坐誣譖廢于家文宗天曆二年起爲中書左丞明日卽移告去至元三年卒年七十八追封

太原文忠公王結易州定興人祖遯勤以質子軍從太祖西征娶阿

魯渾氏自西域徙戍秦隴又徙中山家焉結生而聰穎讀書數行俱
下年二十餘游京師上執政書陳政八事宰相不能盡用之時仁宗
在潛邸或薦結克宿衛仁宗爲皇太子以結爲典牧太監仁宗卽位
遷集賢直學士元統元年歷拜中書左丞
至元二年卒四年追封

仁壽文靖公虞集宋丞相允文五世孫也曾祖剛簡爲利州路提刑
有治績祖拜知連州亦以文學知名父汲黃岡尉宋亡僑居臨川崇
仁與吳澄爲友起家教授後以翰林院編修官致仕集三歲卽知讀
書比長盡通諸經大義大德初始至京師以大臣薦授大都路儒學
教授遷國子助教文宗卽位歷拜奎章閣侍書學士至正八年卒年

七十七追封

史不載謚

豫章文安公揭傒斯龍興富州人父來成宋鄉貢進士傒斯幼貧讀
書尤刻苦父子自爲師友由是貫通百氏早有大名程鉅夫薦于朝
特授翰林國史院編修官元統初歷拜侍講學士司知經筵事至正
四年卒年七十一追封

江夏文獻公黃潛婺州義烏人生而俊異比長以文名於四方中延
佑二年進士第授寧海丞歷遷侍講學士同知經筵事謝病歸里七
年卒年八十一追封

南陽文靖公李木魯翀其先隆安人金泰和間定女直姓屬望廣平
祖德從憲宗南征因家鄧之順陽以功封南陽郡侯父居謙用翀貴
封南陽郡公初居謙辟掾江西以家自隨生翀稍長卽勤學大德十
一年用薦者授襄陽縣儒學教諭至大四年以姚燧薦授翰林院國

史編修官元統二年累遷翰林侍講學士至元四年卒年六十追封梁郡父肅公王克敬大寧人幼奇穎大寧荆土習尚少文而克敬孜孜爲儒者事旣仕累遷江浙行省照磨泰定初歷兩浙鹽運司使後入爲吏部尚書墜馬養病元統初起爲江浙行省叅知政事二年卒追封

譙郡文節公汪澤民徽之婺源人宋端明殿學士藻之七世孫也少警悟家貧力學旣長遂通諸經登延祐五年進士歷遷禮部尚書致仕居宣州至正十五年爲賊所執不屈死之追封

南陽文簡公葉李杭州人少有奇質從學於大學博士施南學補京學生宋景定間伏闕上書攻賈似道竄漳州似道旣敗乃得自便會宋亾歸隱富春山屢辭不應至元十四年御史大夫相威求江南遺逸以李姓名上世祖習聞其名卽授浙西儒學提舉歷遷平章政事屢辭不獲至元二十九年卒至正八年追封

天水文清侯趙師魯霸州人安人父趾秘書少監贈禮部尚書師魯爲人風采端莊在太學力學如寒士延佑初爲興文署丞五年遷將作院照磨七年辟爲御史臺掾後補中書省掾擢工部主事天曆中累遷刑部侍郎出爲河間路轉運鹽使久之棄官歸京師至元三年卒追封

譙郡文穆侯曹鑑宛平人穎悟過人具通玉經大義大德五年用薦爲鎮江淮海書院山長十一年南行臺中丞廉恒辟爲掾史至治二年授江浙行省左右司員外郎至元元年以中大夫陞禮部尚書俄感疾而卒追封

彭城忠毅侯劉天孚大名人由中書譯史爲東平總管府判官累遷知河中府阿思罕之亂城陷死之追封

太原侯王伯顏濱州霑化人由湖廣省宣使歷縣尹推官至正九年遷知福寧州三歲陞福建鹽運副使賊帥王善攻城被執死之追封潁川忠毅侯陳君用延平人少負氣勇猛過人紅巾起江准入閩閩闖授君用南皮縣尹以功授同知建寧路事副都元帥賊圍福州君用力戰死之追封

忠愍侯彭庭堅溫州瑞安人擢至正四年進士第授同知沂州以平賊功累遷副都元帥鎮紹武至正十四年賊陷建寧庭堅遇害死追封

隴西忠肅侯李謙亨曲

人至正中封

渤海正肅侯吳恭祖孟州人至正中封

象山男俞述祖慶元象山人由翰林書寫考滿調廣東元帥府都事入爲國史院編修官已而出爲沔陽府推官至正十三年斬黃賊徐壽輝寇沔陽城陷被執罵死之追封

右順帝時封爵凡王三人國公十三人郡公十二人侯八人男一人隨父見者王二人侯一人

外戚王公章

濟寧忠武王按陳姓字思忽兒弘吉刺氏太祖皇后之弟也父曰持薛禪世居朔漠本名特因從太祖起兵有功賜名薛禪故兼稱曰特薛禪按陳從太祖征伐累立戰功甲戌分賜按陳及其弟農土丁亥賜號國舅生女世以爲后生男世尚公主每歲四時孟月聽讀所賜

元貞元年二月追封子幹陳戊戌授萬戶尚睿宗女幹陳卒弟納陳
丁巳襲萬戶從世祖伐宋有功納陳卒子幹羅陳襲萬戶再尚公主
至元十四年卒無子弟曰帖木兒至元十八年襲萬戶二十四年乃
顏叛從世祖親征以功嗣祖封帖木兒卒子二人長曰瑯阿不刺次
曰桑哥不刺皆幼至元二十七年以其弟蠻子台襲萬戶亦尚公主
成祖卽位封皇姑魯國大長公主以金印封蠻子台爲濟寧王繼尚
裕宗女

魯王瑯阿不刺帖木兒子蠻子台旣卒大德十一年瑯阿不刺襲
萬戶尚順宗女祥哥公主封大長公主賜瑯阿不刺金印加封魯
王至大二年賜平江稻田一千五百頃三年卒子阿里嘉室利甫

八歲襲萬戶四年嗣父封尚朶兒只班公主元統元年卒有桑哥
不刺者瑯阿不刺之弟也自幼奉旨養於幹可珍公主所是爲不
只兒駙馬後襲統其本部民四百戶成宗時奉旨尚普納公主至
順初封鄆安大長公主授桑哥不刺金印封鄆安王職千戶元統
元年授萬戶二年加封公主爲皇姑桑哥不刺爲魯王止疾卒此
皆以駙馬襲封王爵者也

懿國公都羅兒接陳弟冊之曾孫也冊在太祖世授官本藩蒙古
軍站于戶冊之子曰哈兒哈孫以平金功賜號拔都兒都羅兒其
孫也至元四年授光祿大夫以銀章封

毓德王孛羅帖木兒按陳之裔孫也曾祖曰脫憐世祖授本藩千
戶仍賜驛券圓符各四令以兵守塑之怯魯連二十四年從征乃

蠻有功賜號拔都兒卒子迸不刺嗣迸不刺卒子買住罕嗣尚拜答沙公主買住罕卒孛羅帖木兒以弟嗣以金章封卒買住罕孫阿失襲千戶

安遠王丑漢按陳次子必哥之裔孫尚台忽魯都公主皇慶元年封永豐郡王旋改今封以兵守莽來此皆尚公主為駙馬者也

元史曰初弘吉刺氏族居於苦烈兒溫都兒斤迭烈木兒也里古納河之地歲甲戌太祖在迭篋可見時有旨分賜按陳及其弟火

忽冊等農土農土猶言經界也若曰是苦烈兒溫都兒斤以與按陳及哈

撒兒為農土申諭按陳曰可木兒溫都兒答兒腦兒迭蔑可兒等地汝則居之諭冊曰阿刺忽馬乞迤東蒜古納禿山木兒連拓哈

海倫迤西至阿只兒哈溫都哈老哥魯等地汝則居之當以胡盧

忽兒河北為鄰按赤台為界又諭火忽曰哈老溫迤東塗河潢河

之間火兒赤納慶州之地與亦乞列思為隣汝則居之又諭按陳之子唆魯火都曰以汝父子能輸忠于國可木兒溫都兒迤東絡

馬河至于赤山塗河迤南與國民為隣汝則居之至元十七年幹羅陳萬戶及其妃囊加真公主請于朝曰本藩所授農土在上都

東北三百里答兒海子寔本藩駐夏之地可建城邑以居帝從之遂名其城為應昌府二十二年改為應昌路元貞元年濟寧王蠻

子台亦尚囊加真公主復與公主請於帝以應昌路東七百里駐冬之地勅建城邑復從之有德元年名其城為全寧路弘吉刺之

分邑得任其倍臣為達魯花赤者有濟寧路及濟交軍三州鉅野鄆城金鄉虞城碭山豐縣肥城任城魚臺沛縣單父嘉祥磁陽寧

陽曲阜泗水一十六縣此丙申歲之所賜也至元六年陞古濟州
爲濟寧府十八年始陞爲路而濟交單三州隸焉又汀州路長汀
寧化清流武平上杭連城六縣此至元十三年之所賜也又有永
平路灤州盧龍遷安撫寧昌黎石城樂亭六縣此至大元年之所
賜也若平江稻田一千五百頃則至大二年所賜也其應昌全寧
等路則自達魯花亦總管以下諸官屬皆得專任其陪臣而王人
不與焉此外復有王傅府自王傅六人而下其羣屬有錢糧人匠
鷹房軍民軍站營田稻田烟粉千戶總管提舉等官以署計者四
十餘以員計者七百餘此可得而稽放者也其五戶絲金鈔之數
則丙申歲所賜濟寧路之三萬戶至元十八年所賜汀州路之四
萬戶絲以斤計者歲二千二百有奇鈔以定計者歲一千六百有

奇此則所謂歲賜者也

昌忠武王孝禿亦乞列忽氏善騎射太祖時歸附太祖以姝妻之及
卒又以女妻之從征乃蠻大戰敗之又從木華黎略地遼東西以功
封寇懿二州從征西夏病卒贈太師駙馬都尉上柱國進今封子鎖
兒哈襲封娶皇子幹赤女生女爲憲宗皇后子札忽兒臣從定宗出
討萬奴有功太宗命親王安亦台以女妻之卒贈太師駙馬都尉上
柱國追嗣祖封謚忠靖次子忽憐尚憲宗女討脫黑帖木兒有功復
令上憲宗孫女宋平封以廣州乃顏叛復召忽憐從征破之卒贈太
師駙馬都尉上柱國追嗣祖封謚忠宣子阿失事成宗篤哇叛于海
都阿失從武宗討破之成宗時命嗣祖封置王府官屬仁宗復賜以
寧昌縣稅入阿失尚成宗女復爲憲宗曾孫女卒子八剌失里嗣

高唐王聶古台刺阿兀古別吉忽里之子襲父爵尚睿宗女

詳前臣章

趙武毅王孛婁合刺阿兀思別吉忽里之子尚阿刺海吉別吉公

王長子君不花尚定宗長女次子愛不花尚世祖季女子闊里吉

思再尚公主追封高唐忠憲王子木安加封

王女詳功臣章

趙忠烈王囊加台闊里吉思之弟尚成宗女

封子馬札

罕尚公主泰定元年襲封

趙康僖王喬憐察囊加台弟尚公主封

魯王阿不反尚順宗女

威靖王火星兀察兒泰定皇后父泰定二年封

趙王主忽

昌王八刺失里駙馬尚公主封子沙藍朵兒駙馬尚公主由懿德王

進封封平未詳

昭武王合伯駙馬大德十年封

廣平王木刺忽駙馬天曆二年封

寧昌郡王唆都哥駙馬至元二十三年封

寧昌郡王不憐吉反駙馬封未詳何年

寧濮郡王昌吉駙馬初無國邑後改封未詳何年

岐王脫脫木兒駙馬大德十年封濮陽王延佑四年進封

毓德王孛羅帖木兒駙馬後至元二年封

句容王床兀兒欽察人尚也先帖爾公主武宗即位封容國公二年

進封後文宗以其子燕鉄木兒有大功封其曾祖父班都察濮陽王

曾祖妣玉龍徹溧陽王夫人祖父土土哈昇王祖妣大塔爾昇王夫

人父床兀兒楊王母也光帖爾公主察吉兒並為楊王夫人
應國公三寶奴高麗奇氏順帝后族武宗時由渤海國公加封

恩澤諸王侯章

瀛國公趙顯宋主也至元十三年滅宋執之封

平原郡公趙與芮宋理宗皇帝之子初封福王宋亡被執至元十五年封二十四年卒以子孟桂嗣封

卮言曰元世祖滅宋而不戮其主又封其弟為公十餘年方卒以其子繼封自魏晉以後蓋不多見矣

右勝國

壽王李距本高麗國王也至元十一年世祖以皇女下嫁焉宋幾嗣國成宗大德元年十一月封距為逸壽王以世子諤為高麗王從所請也

瀋陽王李諤距子成宗初年尚寶塔實憐公主大德十一年封繼襲高麗王位其後諤子壽壽弟嵩俱以駙馬襲封瀋陽

卮言曰按元史傳云大德元年封高麗王距為逸壽王十一年封進高麗王諤進爵瀋陽王而表云距諤封瀋陽王距以大德十一年諤以延佑六年嵩以泰定二年表誤

安南國王陳光昺世王安南世祖中統元年遣使詣闕獻書乞三年一貢從之遂封為安南國王

高昌王紐林的斤世王高昌曹祖曰巴而木阿而忒的斤亦都護亦都護者高昌國主號也初臣於契丹已巳歲太祖起朔方遂殺契丹所置監國等官遣使來附遂從征諸國皆有大功既卒而次子玉古

倫赤的斤嗣卒子馬木刺的斤嗣從憲宗伐朱有功還火州卒至元三年世祖命其子火赤哈兒的斤嗣爲亦都護累從征伐有功世祖以定宗女妻之還鎮火州與北方軍戰沒紐林的斤其子也時尚幼詣關請兵復雙世祖壯其志以太宗孫女妻之使鎮吐蕃民賴以安武宗召還嗣爲亦都護仁宗始稽故實封爲高昌王別以金印賜之延佑五年卒子帖木兒補化大德中尚公主爲鞏昌等處都總帥英宗至治三年嗣封高昌王文宗召至京師佐平大難天曆二年歷拜中書左丞相加御史大夫乃讓其弟錢吉嗣爲亦都護高昌王卒至順三年封太平奴爲高昌王

此條宜在功臣中以其爲外國王故類見之

播國惠敏公楊邦憲其先太原人唐季南詔陷播州有楊端者以應募起竟復播州遂使領之五代以來世襲其職五傳至昭無子以族子貴遷嗣又八傳至粲粲生价价生文文生邦憲皆仕宋爲播州安撫使卒追封播國公謚忠敏子漢英生五歲而父卒二十二年母田氏推乃至上京世祖見而憫之命襲父職賜金虎符賜名賽因不花大德時以討平叛蠻功進資德大夫至大四年加勳上護軍卒詔許世襲播南卒贈柱國追封播國國公謚忠宣子嘉貞嗣

右外國

魏郡文獻公杜瑛其先霸州信安人父時昇金

瑛氣貌魁

偉金亡避地河南緱氏山中傳徒教授汾晉間中書粘合珪爲開府

於相瑛赴其聘遂家焉已未世祖南伐至相召見問計命從行以疾弗果中統初詔徵瑛辭不就杜門著書以終其身年七十卒天曆初追封謚

右異數

歸德武烈王峻海丞相鐵木鐵兒之曾祖也仁宗卽位以鐵木鐵兒爲中書右丞相留守大都贈峻海爲太尉追封

歸德忠武王不憐吉帶鐵木鐵兒之祖也追封同

歸德忠貞王木兒火赤鐵木鐵兒之父也贈太師追封同

鐵木鐵兒專權亂政英宗時任拜住爲左丞相委以心腹鐵木鐵兒漸見踈外以疾死于家御史追論其罪乃追奪其官爵及封贈制書籍沒其家

興國公秃魯康康里人其妻爲寧宗乳母以故得封加太尉階金紫光祿大夫子二人哈麻雪雪早備宿衛順帝深眷寵之哈麻官至中書左丞相雪雪官至御史大夫尋以謀廢立事泄杖死

右權倖

趙國忠獻公田中良其先平陽趙城人金亡徙中山忠良好學通儒家雜家言嘗識太保劉秉忠於微時秉忠薦于世祖遣使召至推術皆驗官之司天累遷太常卿仁宗初歷加光祿大夫領太常禮儀院事延佑四年卒年七十五贈大師上柱國追封謚

卮言曰按元史傳中忠良所推吉凶皆驗而頗持正有儒者氣象不當以方士黜之然以方技致顯秩而膺名爵故類見焉

魏國文穆公靳德進其先潞州人後徙大名祖璇業儒父祥兼善星

曆元初行省辟寘幕下佩以金符卒贈集賢大學士謚安靖德進爲人材辨幼讀書能通大義父歿益自刻勵尤精於星曆之學世祖命劉秉忠選太史官屬德進以選授天文官所言休咎輒應時因天象以進規諫多所裨益累遷秘書監掌司天事仁宗初歷拜中書右丞領太史院事以疾卒贈司徒柱國追封謚

薊國忠獻公許國禎絳州曲沃人祖濟金絳州節度使父日嚴榮州節度判官皆業醫國禎博通經史尤精醫術金亂避地高州永寧縣河南平歸寓太原世祖在潛邸國禎以醫徵至翰海留守掌醫藥藥從征雲南機密皆得參與世祖卽位錄前勞授提點太醫院事賜金符至元十二年遷禮部尚書進翰林集賢太學士卒年七十六謚忠憲加贈上柱國追封

趙國僖簡公許辰從其父事世祖于潛邸進退莊重世祖喜之命從許衡學入備宿衛忠慎小心除禮部尚書提點大醫院事成宗卽位歷拜中書右丞署太常事仁宗卽位辰以足疾授大司徒食其祿終身卒贈柱國追封

涼國敏慧公阿尼哥波羅國人幼敏悟異凡兒稍長誦習佛書暮年能曉其義長善畫塑及鑄金爲像中統二年從帝師八合斯巴建皇金塔于吐蕃成帝師勉以入朝乃祝髮受具爲弟子從帝師入見世祖凡兩京寺觀之像多出其手爲七寶法輪及織錦爲原廟列聖御容至元十年始授人匠摠管銀章虎符十五年詔返初服授司徒領將作院事卒贈太師追封

神川忠惠公孫威渾源人幼沈鷲有巧思金貞祐間應募爲兵以驍

勇獮及雲中來附守帥表授義軍千戶從攻伐有功善爲甲太祖嘉之授工匠都總管庚子卒至大二年追封神川郡公謚忠惠子拱爲監察御史後襲甲匠都總管巧思如其父至元十五年授保定路治中大德九年歷遷益都路總管兼府尹卒於官贈大司農追封神川郡公謚文莊

右方術

白蘭王瓊南藏卜西番人帝師膽巴之兄也泰定間尚公主封白蘭王賜金印給圓符其帝師弟子之號司空司徒國公佩金玉印章者前後相望

留國公張與材漢張道陵之後世居信之龍虎山相傳至三十六代宗演當至元十三年世祖已平江南遣使召之賜以銀印命主領江

南道教號正一天師二十九年卒子與棟嗣三十一年卒與材其弟也元貞元年嗣爲三十八代襲掌道教大德五年以治怪息潮患召見上都授正一教主武宗卽位來覲特封晉國公錫金印延祐三年卒

魏國公張留孫信州貴溪人少時入龍虎山爲道士至元十三年從天師張宗演入朝世祖與語稱旨遂留侍闕下十五年授玄教宗師賜銀印又特任其父信州路治中大德中加號玄教大宗師且追封其三代皆魏國公官階品俱第一至治元年卒

饒國公吳全節饒州安仁人年十三學道于龍虎山至元二十四年至京師從張留孫見世祖大德十一年授玄教師錫銀印視二品至大三年封其父爲司徒饒國公母饒國太夫人至治元年留孫卒授

玄教大宗師玉印一銀印二并授之仁宗時卒年八十二

Vertical columns of text, mostly illegible due to fading and bleed-through from the reverse side.



